







吳詩集覽卷六上

黎城靳榮藩介人輯

七言古詩三之上

送沈繹堂太史之官太梁

天清一統志沈荃字貞生華亭人順治壬

辰廷對第三人授編修十三年出為河南按察司副使分巡大梁道有政績歷官詹事卒謚文恪書法尤有名感舊集補傳荃號繹堂

雲間學士推一沈布衣召見登華省多少金閨榜墨新

科名埋沒聲華冷青史流傳有弟兄衣白山人披賜錦

一代才名竝玉珂百年絹素垂金粉

原註宣廟時雲間有大小沈學士以

布衣善書入翰林皆著名跡大學士名度小學士名粲
繹堂為壬辰第三人官編修擢授大梁道亦有書名小

學士後也 此叙繹堂家世百年絹素用正襯科名埋
沒用反襯○雲間見哭志衍明史文苑傳沈度字民則

沈粲字民望松江華亭人兄弟皆善書度以婉麗勝粲
以適逸勝號大小學士 布衣見讀史雜詩其三華省

見又詠古 交通別賦金闈之諸彥撫言進士榜粘黃
紙四張以淡墨氈筆書禮部貢院四字 宋史選舉志

求賜科名埋沒見行路難其六聲華見哭志衍 青史
見又咏古 新唐書李泌傳著白者山人詳西田賞菊

西京雜記相如遂作大人賦以獻之賜錦四匹明史沈
度傳兄弟并賜織金衣 鏤姓名於象簡 之以金 才

名見壽龔芝麓張茂先 詩乘馬鳴玉珂 緞知君門胄
素見贈吳錦雯皮襲美 詩半垂金粉知何辭

本能文易世遭逢更絕 倫射策紫裘臚唱出馬蹄不動

六街塵曲江李杜無遺 恨留取花枝待後人 此承第一
段言之先

叙其科第之貴○三國志王粲傳父謙名公之胄杜詩

釋子總能文漢書原涉傳易世矣遭逢見官扇絕倫

射策并見哭志衍廬昇之詩青雲蓋兮紫霜裘方回

詩臚唱會叨殿上來杜詩黃門飛鞚不動塵于武陵

詩徒染六街塵國史補進士大宴于曲江亭子謂之

曲江會杜詩貫穿無遺恨墨莊漫錄徐適特奏名魁

戲題云留得宮花醒後看秦中記唐進士杏園初會謂

之探花宴以少俊二人為探花使明史選舉志一甲止

三人曰狀元榜眼探花制所定也按二句以李杜之不預曲江宴比二沈言以科第待繹堂耳即今藝

苑多供奉八分草隸清曹重署額新宮十丈懸韋郎體

勢看飛動其餘作者何紛紛爭來待詔鴻都門圍棋賭

聖王長史丹青畫馬曹將軍此段旁襯前四句見書法之貴後四句以雜藝相形

○韓詩藝苑手秘寶供奉見王郎曲吾邱衍學古編

八分者漢隸之未有挑法者也書輯草書者後漢徵士

張芝所造也又自程邈以降謂之秦隸賈勛三倉蔡邕

石經諸作謂之漢隸林寬詩門掩清曹曉蜀都賦營

新宮于夔瑄三國志光祿大夫京兆韋誕書斷誕字

仲將善書題署尤精魏明帝凌雲臺成誤先釘榜未題

署以籠盛誕誕轆轤長繩引上使就榜題去地二十五丈

杜詩同病得韋郎王子安滕王閣序列岡巒之體勢

飛動見汲古閣歌杜詩晚看作者意又總角草書又

神速世上兒子徒紛紛待詔見讚佛詩後漢書靈帝

紀光和元年春始置鴻都門學士晉書謝安傳苻堅

衆號百萬次於淮肥京師震恐安遂命駕出山野圍棋

賭別墅又王濛傳王長史語甚不多可謂有令音按梅

村壽余澹心亦有賭墅好尋王武子才切然濟傳無賭

墅事而亦未為長史也劉夢得觀棋歌自從仙人遇樵

子直到開元王長史程迺亭曰震澤長語翰林衙門百

藝皆可入故琴工畫史及善奕者皆得待詔其中此王

長史當指王積薪也秋丹青引贈曹將軍霸弟子韓

幹早入室亦能君也讀書致上第博家翰墨閒遊戲迸

畫馬窮殊相

落長空筆陣奇縱橫妙得先人意頓挫沉雄類壯夫雙

瞳剪水清癯異卧疾蕭齋好苦吟平生雅不為身計唯

留詩句滿長安清切長宜禁近官秋雨直廬分手處忽

攜書卷看嵩山

此正寫繹堂工書能文克紹家學也看嵩山點出之大梁意○唐書選舉志每

問經十條對策三道皆通為上第傳家翰墨見觀通

天帖游戲見讚佛詩潘安仁射雉賦倒禽紛以逆落

唐太宗詩夕霧結長空筆陣見觀通天帖縱橫見哭

志衍援先人謂二沈也唐書杜甫傳至沉鬱頓挫隨

時敏給周書李弼傳弼性沉雄有深識揚子法言壯夫

不為也雙瞳剪水見王郎曲清癯見蓉清湖蕭齋

見後東皐歌杜牧之詩苦吟誰復聞南史蕭引傳亦

宜少為身計賈閬仙詩落葉滿長安宋書殷淳傳

淳居黃門為清切唐書柳宗元傳引內禁近與計事

直廬見汲古閣歌沈休文詩分手易前期嵩山見維

陽行 嗚呼男兒不入即當出生世諧為二千石黃紙初除

左馮翊腰間兩綬開顏色君不見沈侍中圖書秘閣存

家風匹夫徒步拜侍從况今淋漓 御墨宮袍紅一麾

去聽梁園鐘軒車路出繁臺東

繁音婆

杯酒意氣何雍容

簿領豈足羞英雄安能低眉折腰事鉛槧蹉跎白首從

雕蟲

此叙相送之意○采書劉瑀傳人仕宦不出當入不入當出 後漢書周澤傳生世不諧作太常妻

漢書百官表郡守秦官秩二千石南史羊欣傳入仕仕

宦至二千石斯可矣 黃紙見讚佛詩漢書百官表右

扶風與左馮翊京兆尹是為三輔 霍顯詩腰間帶兩

綬轉盼生光輝李詩開顏酌美酒 梁書沈約傳字休

文吳興武康人也遷尚書左僕射加侍中 圖書見松

鼠秘閣見汲古閣歌家風見送杜嶽武 漢書公孫宏

傳起徒步數年至宰相封侯按匹夫徒步南史齊書梁
書皆不載然史稱其流寓孤貧則想當然也侍從見東
萊行 季義山詩濡染大筆何淋漓張仲舉詩請君留
束錦宮袍 一麾見清風使節圖梁園見東臯歌 莊
子軒車不容巷繁臺見行路難 鮑詩握君手接杯酒
意氣相傾死何有雍容見送施愚山 梁書王瞻傳每
飲或竟日而精神益朗聒不廢簿領英雄見又咏古
李詩安能摧眉折腰事權貴西京雜記揚子雲好事常
懷鉛提槧 蹉跎見送何
省齋雕蟲見汲古閣歌

通元老人龍腹竹歌

通元老人來何方碧瞳頰面拳毛蒼手披地圖向我說
指點西極天微茫視彼萬里若咫尺使我不得悲他鄉
京師公卿誰舊識與君異國同周行九州喪亂朋友盡

此道不絕留扶桑

此段點明老人詩本意○杜詩問我來何方

異國同周行是作

能詩碧瞳大士何所主宋景濂詩虬鬚頰玉面九尺長

身形杜詩昔日太宗拳毛騮岑參詩鬢毛颯已蒼

後

漢書鄧禹傳光武舍城樓上披輿地圖指示禹

李詩

金鞭遙指點史記蒲梢天馬歌天馬徠從西極微茫見

福源精舍南史齊竟陵王傳咫尺之間便覺萬里為

遙左傳襄二十九年吳公子札聘于鄭見子產如舊

相識季少卿答蕪武畫遠托異國詩示我周行

杜

詩亂離朋友盡山海經賜谷上有扶桑十日所浴

床頭示我龍腹竹夜半風雨疑騰驤尾燒鱗蛻飛不得

蒼皮倔強膺微張此中空洞亦何有得無領下驪珠藏

漢家使者通大夏仍來叩蜀搜篋管更踰葱嶺訪異種

攜歸上苑棲鸞皇

此段點明龍腹竹○床頭見宮扇陸務觀詩一夜四山雷雨起滿林無

數長龍孫晉書夏侯湛傳騰驤於四極之外聞見錄
魚躍龍門雷爲燒尾乃化爲龍陸士衡漢高祖功臣頌
振威龍蛻 蒼皮見遇南廂園叟漢書陸賈傳乃欲以
新造未集之越屈強於此集韻強其亮切宋史趙鼎傳
此老倔强猶昔集韻屈渠勿切字典倔强通作屈彊史
記作屈彊蘇詞龍鬚半剪鳳膺微漲世說王丞相枕
周伯仁鄰指其腹曰卿此中何所有答曰此中空洞無
物然容卿輩數百人領下驪珠見磬清湖漢書張
騫傳臣在大夏時見叩竹杖蜀布問安得此大夏國人
曰吾賈人往市之身毒國篋管見清風使節圖漢
書西域傳注師古曰西河舊事云葱嶺其山高太上悉
生葱故以名焉按異種字出後漢書祭彤傳中更記始
皇紀乃營作朝宮上林苑中南越志羅山第三十一
嶺半是巨竹皆七八圍長有一二丈有三十九節葉若
芭蕉謂之龍鍾竹嘗
有鸞鳳棲宿其上我欲裁之作龍笛水底老蛟吟不

得縱使長房投葛陂此龍僵卧難扶策可是天教產竹

郎八荒奇事誰能識一從海上西南來中原篠蕩多良

材淇園已竭蒼生痛會稽正採征夫哀天留異質在無

用任將拋擲生塵埃

此段是作者咏嘆龍腹竹故與上段不復○王詩樂府裁龍笛

夢得詩照潭出老蛟馬季長長笛賦龍吟水中不見已

伐竹吹之聲相似後漢書方術傳費長房者汝南人

也市中有老翁賣藥懸一壺于肆頭及肆罷輒跳入壺

中長房遂欲求道于是遂從入深山長房辭歸翁與一

竹杖曰騎此任所之則自至矣既至可以杖投葛陂中

也長房乘杖須臾來歸即以杖投陂顧視則龍也僵

卧見高士圖杜詩兒扶猶杖策後漢書西南夷傳夜

郎者初有女子浣於遯水有三節大竹流入是間聞其

中有號聲剖竹視之得一男兒歸而養之及長有才武

自立為夜郎侯以竹為姓賈誼過秦論并吞八荒之

心中原見贈蒼雪篠蕩淇園并見清風使節圖書

至于海隅蒼生爾雅東南之美者有會稽之竹

箭焉征夫見避亂韓詩異質忌處羣莊子大木枝葉

茂盛伐木者止其旁而不取也曰無所可用拋擲見

臨頓兒子塵埃也若有人兮在空谷束素娟娟不盈勿盡道腰

肢瘦勝肥此君無乃非其族雪壓霜欺直幹難輪困偃

蹇忘榮辱邴君豈出子魚下高人磊砢遭題目玉符新

抽漸拂雲摩挲自倚東墻曲苦節長同處士飢寬心好

耐相妃哭前止寫竹之形狀此段寫竹之性情有味外

味是作者身分○楚辭若有人兮山之阿詩

在彼空谷采玉登徒子好色賦腰如束素娟娟見西

田詩詩不盈一菊鍾仲偉詩品瘦故勝肥國語非

是族也不在祀典百詩園花雪壓枝孟東野詩願從

正直節勿謂霜雪欺程詩請君放筆為直幹史記鄒

陽傳蠹木根抵輪囷離奇左傳哀六年彼皆偃蹇杜詩

忘情任榮辱三國志華歆傳字子魚魏略歆與北海

邴原管寧俱游學三人相善時人號三人為一龍歆為龍頭原為龍腹寧為龍尾世說庾子嵩目和嶠森森

如千丈松雖磊砢多節目有棟梁之用晉書山濤傳各為題目荀抽見松鼠杜詩階前樹拂雲摩訶見行

路難後漢書逢萌傳避世墻東王君公苦節見清風使節圖按寬心即虛中之意湘妃見二十五日遊諸

勝
吁嗟乎崑崙以外流沙西當年老子驅青犢手中竹

杖插成林殺青堪寫遺經讀君不見猶龍道德五千字

要言無過寧為腹何可一日無此竹此段與起處西極異國云云相照應

可抵得行路難數首也而以點染出之故自令人不覺○天清一統志崑崙山在肅州西南二百五十里

流沙在沙州衛西劉子政列仙傳老子姓李名耳周德衰乃乘青牛車去入大秦過西關關令尹喜待而迎

之與老子俱至流沙之西服巨勝實莫知所終拾遺記老聃在周之末唯有黃髮老叟五人手握青筠之杖

與聃共談天地之數山海經夸父棄其杖化為鄂林
殺青見茸城行汗簡注 更記老子傳孔子去謂弟子

曰吾今日見老子其猶龍耶老子乃著書上下篇言道
德之意五千餘言 晉書王徽之傳嘗暫寄

聖人爲嘍不爲目 晉書王徽之傳嘗暫寄
人空宅住便令種竹曰何可一日無此君

附考章懷後漢書注葛陂在今豫州新蔡縣西北何
顯祖汝寧府志葛陂府城西南四十里即費長房投

杖處東漢於此置葛陂縣按新蔡縣之西北即府城
之西南也然不止四十里而呂民服新蔡縣志云葛

陂水在縣北七十里鮟陽城引水經注葛陂東出爲
鮟水以爲非今之縣西葛陵也然鮟陽城今屬潁州

府阜陽縣呂志謂今隸鳳陽府潁州是襲前明舊志
之文耳且即以呂志言之既書其隸潁州即不得以

潁州之古蹟爲新蔡之觀美矣而畢卓書屋何以仍
收於古蹟之內豈鮟陽之屋可復還汝北而葛陵之

陂獨割入江南乎且爲卓一人特立放達一門而于
長房之事削而不書皆不可解不知從章懷注爲允

又 大清一統志云明統志葛陂在府城西南三十里據後漢書注葛陂在新蔡縣西北以今地形考之當在新蔡之北項城之南不應在汝陽之西南疑明志誤按此則呂志以為在潁州何志以為在府城西南四十里皆誤也

送舊總憲龔孝升以上林苑監出使廣東

清會典 天

順治元年置上林苑監正七品衙門按明史職

官志永樂六年始置上林苑監國初蓋仍其

制出使

侯考

與君對酒庾樓月君逼干戈我離別與君藉地燕山草

君作公孤我潦倒

此追叙與孝升相見之地對酒庾樓即壽龔詩我同宋玉適來游也藉地

燕山即重謁三公築戟前也○對酒見讚佛詩 天
清一統志南樓在武昌縣南又名玩月樓即今之譙樓

世說庾太尉在武昌登南樓與諸人詠譔藉草字出

晉書忠帝紀一統志順天府宋宣和四年地入于金五

年歸宋改為燕山府公孤見亦知窮老應自疎識君

壽龔芝麓潦倒見送何省齋

意氣真吾徒門前車馬多豪俊躡衣上坐容衰鬢我持

半勺君一斗我吟一篇君百首每逢高會輒盡歡把我

新詩不容口今日他鄉再送君地角天涯復何有此承燕山

句而申言之正見聚首之樂末二句點出送別又是以

上八句反襯末二句也○窮老見遇南廂園叟意氣

見贈李雲田劉孝綽詩衡門謝車馬史記酈生傳沛

公時時問邑中賢士豪俊躡衣見廿五日詩躡而上

史記高祖紀遂坐上坐無所詘衰鬢見送杜嶽武注

環谷詩半勺滄浪歌濯纓一斗見行路難史記屈原

傳一篇之中三致意焉援百首即斗酒百篇意高會

見遇劉雪舫社詩興來今日盡君歡新詩見贈吳錦

吳詩吳錦

要更記袁盎傳諸君譽之者皆不容口莊子送君者

皆自崖而返君自此遠矣韓文一在天之涯一在地

之角一統志天涯亭在廉州府欽州東門北畔海角

亭舊在合浦縣西南半里明隆慶中遷於廉江西山

川有靈交有命延津會合真難定如君共事曹侍郎百

僚彈壓風裁正握手論文海內推交游京雒聲華盛秋

風吹向越王臺後先踪跡誰能信不見蘭臺連柏府却

過劍浦來珠郡相贈雖無陸賈金相看何必周昌印此

皆廣孝升之意而先以秋岳相比觀也○程詩文章有

神交有道晉書張華傳華得寶劍報雷煥書曰詳觀

劍文乃干將也莫邪何復不至雖然天生神物終當合

耳煥卒子華為州從事持劍行經延平津劍忽於腰間

躍出墮水使人沒水取之不見劍但見兩龍各長數丈

蟠樂有文章舌廬江小吏詩共事三二年浙江通志

曹溶字潔躬號秋嶽秀水人崇禎丁丑進士官御史

國朝歷治間歷副都御史戶部侍郎出為廣東布政使

左遷山西陽和道裁缺歸里 書百僚師師唐書柳仲

邱傳輦轂之下彈壓為先托齊書李義深傳幼有風裁

握手見六直歌論文見東萊行 京雜見茸城行聲

華見哭志衍 廣東通志趙佗築臺凡四一在廣州粵

秀山上曰越王臺 通典御史臺亦謂之蘭臺寺又御

史府中列柏樹 陳嵩伯詩劍浦羅浮東 統志珠池

在廉州府合浦縣東南八十里海中 冥志孫權黃武七

年改合浦為珠官郡 史記陸賈傳高祖使陸賈賜尉

佗印為南越王尉佗賜陸生橐中裝直千金 又周昌

傳周昌為趙相既行久之高祖持御史大夫印美之曰

誰可以為御 丈夫豁達開心期悠悠世上無人知三仕

史大夫者 三已總莫問一貴一賤將奚為別君勸君休失意碧水

丹山暫遊戲客路扁舟好著書故園九月堪沉醉為相

上

霜紅少婦樓桃榔雨黑行人騎此段就孝升而中言之別君勸君休失意是作

詩本旨○杜詩露達露心肝史記汲鄭列傳替一貴

一賤交情乃見鮑詩怨君恨君恃君愛失意見蕩子

行昭明太子詩桂楫蘭橈浮碧水阮詩朝餐琅玕實

夕宿丹山際楊文公談苑碧水丹山珍木靈草平生所

愛不覺行路之遠遊戲見讚佛詩荆楚歲時記九月

九日土人并藉野飲宴沉醉見贈家侍御晉西州曲

風吹烏柏樹羣芳譜烏白一名鴉白正字通烏柏木名

本作烏榕王少伯詩閨中少婦不知愁春日凝粧上翠

樓枕榔見哭志衍獨有飄零老伏生不堪衰白困將

白詩雨黑長楓人

迎祇因舊識當途少坐使新知我輩輕花發羅浮夢君

處躑躅悲歌不能去白叙作結與起處一段回環映合

鑑明衰白見送何省齋將迎見馨清湖序莊子無有

所將無有所迎舊識見龍腹竹歌當塗見送何省齋

楚辭樂莫樂兮新相知晉書孫綽傳應是我輩語

花發羅浮用龍城錄見監官僧問詩一統志羅浮山在

廣州府增城博羅二縣界交通別賦

知離夢之躑躅舌詩悲歌可以當泣

嚴沆字子餐送龔芝麓使粵東詩直節爭傳亞相賢

投間上苑領林泉峇棲蓮勺回中日去問梅花庾嶺

天金殿頻嘶仙仗馬增江正跼武溪鸞羅浮山色輟

車迴却望長安北斗懸一灞陵衰柳映平蕪持節爭

看汲大夫元老風霜標龔闕清時雨露下番禺千山

象郡蠻煙合萬里羊城塞月孤此去那論河內火流

民應上

使臣圖

雁門尚書行 并序

雁門尚書行為大司馬白谷孫公作也公代州

人地故雁門郡長身仿爽才武絕人其用秦兵

也將馮巖關為持久且固將吏心秦士大夫弗

善也累檄趣之戰趣音不得已始出天濔雨糗

糧不繼師大潰潼關陷獨身橫刀衝賊陣以沒

從騎俱散不能得其屍戰國屬趙置雁門郡秦

因之宋書樂志及李長吉李空同何大復皆有

雁門太守行周禮夏官大司馬卿一人明史

孫傅庭傳字百雅代州振武衛人崇禎十五年

正月起傅庭兵部石侍郎賊殺陝督汪喬年帝

即命傅庭往代計守潼關扼京師上游而關中

頻歲飢駐大軍餉乏士大夫厭苦傅庭所為用

法嚴不樂其在秦相與譁于朝又相與危語恫

脇之明年五月進兵部尚書改稱督師賜劍趣

戰益急遂再議出師山西通志傅庭益募勇士

開屯田繕器械粟令三家出一壯丁置火車三

萬輛載火炮甲仗戰則驅以拒敵止則環以自衛時關中紳士咸請趣傅庭出關上亦急平賊頻責讓長身見六章歌陳仲衆詩上請分亢爽更記韓王信傳上以韓信材武巖關本左傳巖邑戰國策粟不如者勿與持久說文累增也檄二尺書也更記項羽紀數使使趣齊兵潼關見又咏古承經注河在關內南流潼激關山因謂之潼關傅庭傳九月師次汝州遂破賊寶豐擣唐縣賊滿營哭自成幾獲大軍遂進逼襄城久爾道濘糧車不能前士飢雨七日夜不止後軍譁于汝州賊大至不得已還軍迎糧賊追及之南陽一日夜官兵狂奔四百里至于孟津死者四萬餘賊獲督師坐纛乘勝破潼關傅庭與監軍副使喬遷高躍馬大呼而沒于陣傅庭屍竟不可得

公之出也自念必死顧語張夫人

夫人曰丈夫報國耳無憂我西安破率二女六

妾沉于井揮其八歲兒以去兒踰垣避賊墮民

舍中有老翁者善衣食之二年公長子世瑞重

趺入秦得夫人屍貌如生老翁歸以弟相扶還

見者泣下蓋公素有德秦人云

傅庭傅初傅庭之出師也自分

必死顧語繼妻張夫人曰爾若何夫人曰丈夫

報國耳勿憂我及西安破張率二女三妾沉于

井揮其八歲兒世寧亟避賊去之兒踰墻墮民

舍中一老翁收養之長子世瑞聞之重趺入秦

得夫人屍井中面如生翁歸其弟世寧相扶攜

還道路見者知與不知皆泣下莊子百舍重

趺而不

敢息余門人馮君訥生公同里人作潼關行

紀其事余曾識公於朝因感賦此什公死而天

下事以去然其敗由趣戰且大雨糧絕此固天

意抑本廟謨未可專以責公也公之叅佐惟監

軍道喬公以明經奏用能不負公潼關之破同

日死名元柱定襄人

沈歸愚師曰馮雲驥字訥生山西振武衛人順治乙

未進士

傅庭傳傅庭死而明亡矣

宋史曹

彬傳仗天威遵廟謨

三國志王基傳歸功叅

佐山西通志喬遷高定襄人

由拔貢生授直隸永平府通判遷陝西鞏昌府同知本府知府

按察司副使監孫傳庭軍事闕城破挺劍巷戰

大聲呼曰我監軍道喬某也手刃數人知不支

遂伏劍死陝西通志同

漢書平當傳以明經

為博士唐書選舉志唐設取士之科其目有明

經舊說叅軍序中名元柱列傳名遷高互有

異同按馮訥生潼關行序時又有監軍道喬公

元柱定襄人罵賊伏劍死而尤展成咏明史樂
府雁門哀自注亦作元柱然當以史及通志爲
據又序中作六妾詩中作七
姬而史作三妾亦有異同

雁門尚書受專征登壇顧盼三軍驚身長八尺左右射
坐上咄吒風雲生家居絕塞愛死士一日費盡千黃金

讀書致身取將相關西鼠子方縱橫

此段從尚書受命督師說起而追言

其才武愛土正值闖寇縱橫之時也愛死士暗照末段
養土意○專征見夜宿阜昌登壇見送杜毅武後漢
書馬援傳援據鞍顧盼以示可用更記淮陰侯傳齋戒
設壇具禮至拜大將乃信也一軍皆驚隋書虞慶則
傳身長八尺有膽氣左右馳射梁書元帝紀叱咤則
風雲興起杜詩絕塞愁時早閉門左傳哀十六年吾
聞勝也好復言而求死士干黃金見遇劉雪舫致
身見壽龔芝麓韓詩往取將相酬恩讎岑參詩弓抱

關西月三國志董卓傳
注關東鼠子欲何為耶

長安城頭揮羽扇卧甲韜弓不

忘戰持重能收壯士心沉機好待兇徒變忽傳使者上

都來夜半星馳馬流汗覆轍寧堪似往年催軍還用松

山箭尚書得詔初沉吟蹶起橫刀忽長歎我今不死非

英雄古來得失誰由奠

此段言尚書欲謀定後戰而程詔數至也○語林諸葛武侯提

白羽扇指揮三軍

唐書陳少游傳韜戈卷甲侍候指

揮漢書主父偃傳

天下雖平忘戰必危持重見螭螭

盆歌更記仲尼弟子傳

蒲多壯士後漢書光武紀贊

沈幾先物兇徒見

天志衍班孟堅西都賦作我上

托史段永傳若

星馳電發史記司馬相如傳流汗相

屬惟恐居後

新論無覆轍之敗明史陳新甲傳錦

州被圍欠總督洪

承疇集兵數萬援之帝召新甲問矢

遣職方郎張若麒

面商于承疇若麒未返新甲請分匹

道夾攻承疇以兵分力弱意主持重以待帝以為然而

新甲堅執前議若麒麟狂蹤見諸軍稍有不獲謂圖可

立解密奏上聞新甲復貽書趣承疇承疇激新甲言又

奉密敕遂不敢主前議若麒麟益趣諸將進兵諸將以入

丹次松山為我大濬兵所破大潰士卒死亡數萬

人若麒麟自海道遁還又邱瑜傳因召對言督師孫傳庭

出關安危所係慎勿促之輕出俾鎮定關中猶可號召

諸將相機進勦帝不能從又金毓峒傳孫傳庭治兵關

中吏民苦征籍日輕戰抗疏爭帝不納別詳松山哀

謂將驕卒悍未可禮子夏蹶然而推牛誓眾出潼關

沉吟見送何省齋英雄兒又咏古

起橫乃見茸城行

墟落蕭條轉餉難六月炎蒸驅萬馬二嶠風雨斷千山

雄心慷慨宵飛檄殺氣憑陵老據鞍掃箠謀成頻撫劍

量沙力盡為傳冷此段言尚書戰數有功而糧弗能繼也口史記馮唐傳五日一椎牛饗賓

客軍史舍人書秦誓傳大會以誓眾墟落見其城行

蕭條見遇南廂園雙漢書高帝紀老弱罷轉餉庾詩

五月炎蒸氣萬馬見遇南廂園叟綱目質實峭山在

河南府永寧縣北六十里綱目集覽未峭至西峭三十

五里左傳僖三十二年殺荷二陵焉其北陵文王之所

避風雨也干山京贈願雲師雄心見六貞歌慷慨見

哭志衍杜詩處處管飛檄下月令仲秋之月殺氣浸盛

左傳襄二十五年以憑陵我傲已晉書載記苻堅曰

鼓行而摧遺晉若商風之隕秋籜黃魯直詩掃籜笋逆

地冤谷子慮深遠則計謀成南史檀道濟傳道濟夜

唱籌量沙以所餘少米散其上高遠夫詩力盡

關山未解圍更記淮陰侯傳令其裨將傳食尚書戰

敗追兵急退守巖關收潰卒此地乘高足萬全只今天

險嗟何及蟻聚蜂屯已入城持矛瞋目呼狂賊戰馬嘶

鳴失主歸橫尸撐距無能識烏鳶啄肉北風寒寡鵠孤

驚不忍看願逐相公忠義死一門恨血土花斑此段言潼關潰

西安破而尚書死事家人從義也○山西通志九月師

次汝州偽都尉李養純降謀報賊老營在唐縣偽將吏

屯寶豐傳庭遣將襲唐縣而白趨攻寶豐自成來援白

廣恩高傑夾擊再戰白成敗走遂克寶豐他將亦克唐

縣師次郊縣賊萬騎逆戰復大破之軍聲大振會天久

雨道泞糧車不能前攻破郊縣裁得馬騾數百殺食之

追兵急見行路難巖關見哭志衍左傳又三年民逃

其上曰潰唐書王世充傳乘高馳下壓其營更記點

布傳可以萬全易天險不可升也詩何嗟及矣退

之送鄭尚書序蜂屯蟻聚不可爬搜三國志典韋傳

但持長矛掠戰瞋目見行路難杜詩去年南行討狂賊

庚詩猶言乘戰馬宋史謝枋得傳張孝忠中流矢死

馬奔歸枋得坐敵樓見之曰馬歸孝忠敗矣張茂先

詩虎步蹈橫尸蔡文姬詩尸骸相穿拒山西通志傳庭

與傑以數千人走河北從山西渡河轉入潼關傑請徑

入西安傳庭曰賊一入關則全秦糜泮秦人尚爲我用

乎不納十月六日自成攻闕傅庭登陣固守賊分兵從
南山逸出其背夾攻闕城遂陷傅庭奮躍馬揮刀大呼
衝入賊陣戰死莊子在上為烏鳶食季詩寫鳶啄人
腸銜飛上掛枯樹枝元詩啄肉寤其皮百詩暗鏡對
孤鸞哀絃留寡鵠張正言詩多恐君王不忍看王仲
宣詩相公征闕右唐書馬周傳一可為者惟忠義而已
李義山詩恨血千年土中碧故園有子音書絕勾注烽
李長吉詩三十六宮土花碧
烟路百盤欲走雲中穿紫塞別尋奇道訪長安長安到
日添悲哽繭足荆榛見智井輓轡繩斷野苔生幾尺枯
泉浸形影永夜曾歸風露清經秋不化冰霜冷二女何
年駕碧鸞七姬無塚埋紅粉此段言公子重趺入秦夫
人女姬貌並如生也○李

詩音信千里絕明史地理志代州勾注山在西亦曰
陞亦曰雁門山范致能詩廻腸山百盤山西通志辨

證天同之號雲中郡也其說兆于後周昉于唐而遼西

京志又從而實之明遠蕪城賦北走紫塞雁門古今注

秦築長城土色皆紫漢塞亦然故稱紫塞焉更記吳

王渙傳兵聚而西無他奇道北史虞世基傳世基

食輒悲戰國策足重繭而不休息注足傷皮皴如

蠶繭也見又咏古左傳宣十二年目于臂并而拯

之林注并無水也蠓蠶見琵琶行賈閻仙詩短褐身

披漬野苔後漢書耿恭傳贊枯泉飛液三國志陳思

王傳形影相弔謝靈運羅敷山賦發潛夢于永夜陶

詩淒淒風露交張見蹟詩別路已經秋淮南子化者

復歸於無形也不化者與天地俱生也李文山詩冰霜

凜規則吳彩鸞詩應得文簫駕彩鸞按序云六安

而詩引七姬盖用潘元紹妾事則上句二女亦借用虞

書字也蘇州府志七姬廟在元和縣寶金巷祀元左丞

潘元紹妾程氏瞿氏徐氏羅氏卞氏彭氏段氏明太祖

兵破蘇州七人同日自經死七姬墓在郡城東北隅潘

家後圖張羽有七姬權

履誌紅粉見贈李雲田複壁藏兒定有無破巢窮鳥問

將離時來作使千兵勢運去流離六尺孤傍人指點牽

衣袂相看一慟真吾弟訣絕難為老母心護持始識遺

民意回首潼關廢壘高知公千此葬蓬蒿沙沉白骨魂

應在雨洗金瘡恨未消渭水無情自東去殘鴉落日藍

田樹青史誰人哭薛碑赤眉銅馬知何處此段言公子與八歲兒扶

攜以歸而尚書屍竟不可得也渭水四句是作者咏嘆語○復壁見又咏古破巢見哭志衍後漢書趙壹傳

竊為窮鳥賦一篇晉書樂志鳳將離者舊曲也應璩百一詩云言是鳳將雛則其來久矣隋書越王侗傳往

屬時來漢書薛宣傳吏民言令治行煩苛適罰作使千人以上晉書荀組傳給千兵百騎運去見讀西臺記

指點見龍腹竹歌牽衣見閩州行李詩相看兩不厭更記聶政傳其是吾弟與訣絕見送何省齋聶政

傳臣幸有老母 唐書劉禹錫傳應有神物護持 皇

甫茂政詩同首姑蘇是白雲廢壘見遇南廡園叟 左

傳昭十六年斬之遼蒿藜藿 杜牧之詩折戟沉沙鐵

未銷白骨見閬州行 岑參詩昨夜秋雨洗宋書武帝

紀以虎魄治金劍 一統志渭水在西安府北杜詩清

消無情極愁時獨向東 蘇詞無情汴水白東流 黃庚

詩數點殘鴉雜雁飛 一統志藍田縣在西安府東南九

十里 青史見又咏古王介甫詩細磨碑薛認前朝

後漢書注赤眉賊帥樊崇等銅 嗚呼材官鐵騎看如雲

馬賊帥東山荒秃土淮况等

不降伯定徒紛紛尚書養士三十載一時同死何無人

至今唯說喬參軍 未段責同死者少正以見參軍可貴也烟波無盡方振得全篇起○漢書

韓安國傳安國為材官將軍應劭曰材官有材力者鐵

騎見琵琶行季少卿答蘇武詩猛將如雲 魏書鄭羲

傳張超食已盡不降當走杜詩世上兒子徒紛紛 養

士見葺城行 同死見臨江參軍 季涉詩逢人唯說

岷山碑

王貽上曰梅村作雁門行云至今唯說喬參軍悔菴
云襄陽并殺邱公子孫公得此二人可不憾矣嗟
雲士曰雁門尚書篇以龍門之筆行之韻語洵詩史
也梅村先生長歌甚多率皆琵琶長恨之遺然用意
每隱于使事亦是詩家一病未有清真精勁若此章
者末句補出參軍大傳中藏一小傳真一語于鈞矣
原評孫公先擒高迎祥後幾滅李自成當時可倚
以平賊者惟盧忠烈公與孫公自二公爲權臣所抑
先後死而明遂亡矣詩中詳叙生平與本傳表裏惟
公之改也由于權幸催戰軍無見糧又大兩七日夜
不止此大闕係詩中再醒出幾語尤能動人雁門
尚書曾賦歸興云風塵事事不堪論回首雲山斷客
魂四海勞民皮已盡三年傲吏骨猶存倦思縮地歸
南墅愁欲呼天賦北門奄忽故園春又暮空教青鬢
負華樽此詩載垂棘編惻怛之思翫
麟之氣溢于言表可以想見其爲人

贈馮訥生進士教授雲中

山西通志訥生代州人方伯如京子也就大同

教授歷四川提學僉事

并州馮郎長吳越桐江風雪秦淮月不烹羊酪敵蕞羹

宵拈蘆管吹桃葉

起四句言納生北人而長于南也○周禮職方氏正北曰并州一統志太

原府周并州域又代州屬太原府雍正二年升為直隸州史記馮唐傳為中郎署長此借用天清一統志

浙江入桐廬縣界流九十里至桐君山下合桐溪亦曰桐江又秦淮經上元縣東南入通濟門橫貫江寧府城

中西出江寧縣三山水門別見閩州行世說陸機詣王武子武子前置數斛羊酪曰卿江東何以敵此陸云

有千里蕞羹但未下鹽豉耳藥府雜錄云宣宗善吹蘆管自製此曲王叔齋籟紀邊笳者胡人捲蘆葉吹之

作聲也六朝事迹桃葉渡在秦淮口桃葉者晉王獻之愛妾名也其妹曰桃根獻之詩曰桃葉復桃葉渡江不

用楫不用楫者謂橫波
急也常臨此渡歌送之
才同顧陸與溫那俠少風流擅

絕倫名士有誰甘作諾丈夫何必尚專城

四句引起教授○左太冲

吳都賦顧陸之裔我齊書邢邵傳與濟陰溫子昇爲文
士之冠世論謂之溫邢吳志魯肅傳將輕俠少年百
餘人後漢書樊英傳論漢世之所謂名士者其風流可
知矣絕倫見哭志衍南史張緒傳嘗私謂人曰一生
不解作諾有以告袁粲褚彦回者由
是出爲吳郡太守專城見磬清湖乞得一氊還故土

欲化邊人作鄒魯余笑謂君且歸去不信廣文今廣武

絳帳懸弓設豹侯講堂割肉摻鼉鼓擊磬新調塞上歌

投壺却奏軍中舞文籍先生上谷儒游閒公子河東賈

亂定初聞闕里鐘時清不用平城弩雁門太守解將迎

馬邑名豪通訓詰烏桓年少挾雕弧射得黃羊供束脯

此段點明教授而以雲中作渲染也○晉書王獻之傳

青氈我家舊物陳敬初詩肯使先生老一氈故土見行

路難梁簡文帝請入學表鄒魯之鄉可貴唐書鄒

虔傳上增國學置廣文館以居賢者令後世言黃文博

士自君始不亦美乎虔乃就職時號鄒廣文統志廣

武故城在代州西十五里山西通志廣武城在馬邑縣

南八十里張如哉曰廣武在代州西北五十五里統志

誤後漢書馬融傳常坐高堂施絳紗帳前授生徒後

列女樂侯鯖錄月如懸弓少雨周禮天官司裘王大射

則共虎侯熊侯豹侯設其鵠後漢書禮儀志養三老

五更皆齋于太學講堂史記陳丞相世家方其割肉俎

上之時其意固已遠矣古歌邊城宴開漁陽摻黃塵蕭

蕭白日暗徐錯曰漁陽摻者音七鑿反三搗鼓也鼙鼓

見楚雨生行後漢書桓榮傳詔諸生雅吹擊磬齊書

蘇侃傳太祖作塞客吟曰粵擊秦中之筑因為塞上之

歌禮投壺之禮主人奉矢司射奉中使人執壺後漢

書祭遵傳遵爲將軍取士皆用儒術對酒設樂必雅歌
投壺史記項羽紀軍中無以爲樂請以劍舞晉書王

沉傳號沉爲文籍先生一統志宣化府秦上谷郡地按
國初宣化隸山西漢書貨殖傳宛孔氏之先梁人

也因通商賈之利有游閒公子之名北史魏宗室傳贊
河東俗多商賈南史循吏傳序及定亂之始仍下寬

書一統志關里在曲阜縣城中季少卿答蘇武書策
名清時綱目質實平城秦之縣名屬雁門郡故城在大

同府城東五里一統志平城在大同縣北雁門守詳
送紀伯紫往太原將迎見琴清湖通鑑綱目漢武帝

元光二年雁門馬邑豪聶壹史記作聶翁壹名豪見苻
城行訓誥見哭志衍一統志烏桓故地本東胡也或

處漠南塞散居緣邊諸部張道濟詩雕弧月半上唐
書張說傳吾肉非黃羊不畏其食雞助編關右塞上有

黃羊無角色同麀鹿淮南男兒作健羞裙屐拂雲堆上
子趙宣孟以束脯免其軀

吹橫笛低頭博士爲萬卷撫掌封侯空四壁憶昔扁舟

醉石頭別來幾夢南徐客隱囊塵尾燒却盡長鍊純鈞

看自惜學就吳趨恐未工注成晉問無人識

前四句就雲中教授

而申言之與何必尚專城一段相應後六句回寫舊遊

與并州吳越相應○男兒作健見哭志衍托史邢巒傳

蕭深藻翥屐少年枉牧之豈拂雲堆上祝明妃一統

志拂雲堆在吳喇忒旗西北一百九十里蒙古名烏朱

爾插漢張見蹟詩還同橫笛吹低頭見讀史雜詩漢

書百官表武帝建元五年初置五經博士晉書劉惔

傳一坐撫掌大笑封侯見又咏古四壁見送周子俶

石頭見哭志衍綱目據實晉于淮南僑立徐州又分

淮北為北徐州劉宋改北徐州為徐州而加淮南徐州

曰南徐州隱囊見後東臯歌南史陳顯達傳塵尾蠅

拂是王謝家物不須捉此自隨即取於前燒除之戰

國策馮煖曰長鋏歸來平越絕畫客有能相劍者名薛

燭越王召而問之曰吾有寶劍五請以示之乃召掌者

取純鈞吳趨見王郎曲晉書王羲之傳若猶以前事

爲未工〔柳子厚晉問〕吳子問于柳先生曰先生晉鳴
人也晉之故宜知之曰然然則吾願聞之可乎曰可

呼五湖烟水憶鱸魚落木天高好奇書塞雁不歸花又

發故人消息待何如

此足上文之意而欲訥生寄聲通問也○濫飛卿詩五湖烟水獨忘

機世說張季鷹辟齊王東曹掾在洛見秋風起因思吳中菰菜羹鱸魚膾落木見送何省齋狂詩風急天高猿嘯哀盧仝詩回雁峯前好寄書〔劉商詩〕春暮塞鴻歸薛元卿詩入歸落雁後思發在花前

雕橋莊歌并序

高邑趙忠毅公爲雕橋莊記曰吾郡梁太宰有

雕橋莊在郡西十五里大茂諸山之東前臨滹

沱西韓二水東爲大門表之曰尚書里有樓曰

蓮渚仙居有堂曰壽槐槐可四十圍相傳數百年物太宰功成身退徜徉於此者二十年今其

孫慎可讀書其中自號爲西韓生云此忠毅家

居時所作也

畿輔通志雕橋在正定縣城西十五里韓河上名勝志橋下有穴十

數狀似雕鑿泉湧不息環流於城故名梅村梁

西韓墓誌先業在雕橋莊有古柏四十圍趙忠

毅嘗過而憇焉明史趙南星傳字夢白高邑

人代張問達爲吏部尚書魏忠賢矯旨責南星

等朋謀結黨南星求去復矯旨切責放歸尋以

汪文言獄詞連及戌南星代州莊烈帝登極有

詔赦還廵撫牟志夔忠賢黨也故遲遣之竟卒

於戌所崇禎初贈太保謚忠毅明史梁夢龍

傳字乾吉真定人嘉靖進士神宗十年六月吏

部尚書王國光劾罷夢龍代其位致仕家居十

九年卒天啟中趙南星頌其邊功贈少保崇禎
未追謚貞敏

縣東北七十里一統志大茂山在正定府阜平

西二十里源出大鳴泉西南流入滹沱按序

曰槐可四十圍墓誌曰古柏四十圍疑是兩樹

然以詩徵之當從槐字史記蔡澤傳成功者

退退之送李愿歸盤谷序終吾生以徜徉

西韓墓誌公諱維樞字慎可別號西韓生正定

人其先徙自蔚州七世

至太宰貞敏公始大 公後拜吏部尚書視梁

公以同郡為後繼竟因黨禍戍代州死慎可以

孝廉入中翰余始識之知其為趙公交尋以齟

齟去相別十餘年今起官水部家門蟬冕當代

莫與比焉余以其名山別墅亂後獨全高門遺

老晚節最勝雕橋盛事自太宰以來百餘年於

此矣是可歌也爲作雕橋莊歌

西韓墓誌夢白首高邑趙忠毅

公隆萬中所推真定兩太宰也時以小選家居講道指授生徒公執經往侍遂爲入室弟子入部主事從尚書吳橋范文貞公請也太元經其志齟齬西韓墓誌余與公定交於先朝比去京師十五年宿素已盡南史何遜傳天監中兼尚書水部郎按工部有都水清吏司池北偶談真定梁公清寬清遠清標兄弟相繼爲吏部侍郎清標歷戶禮兵刑四部尚書大拜清寬清標皆給事中維木子清遠山東僉事維樞子皆前吏部尚書夢龍曾孫爾齊書庾杲之傳杲之爲蟬冕所照更生風采別墅字出晉書謝友傳史記樊鄴傳贊君適豐沛問其遺老晚節字出史記外戚世家

常山古槐千尺起雕橋西畔尚書里偃蓋青坡大茂雲
扶疎響拂韓河水水部山莊遶碧渠彈琴長嘯修篁裏
今年相見在長安據鞍邦笑吾衰矣盡道新枝任棟梁

不知老幹經風雨

從雕橋壯直起而以古槐點染生姿
吾衰矣暗照篇末頭白尊前意○綱

目質實常與恒同山在正定府曲陽縣西北一百四十

里隋書房陵王勇傳古槐尤堪取火墨客揮犀蘇伯

材奏議云凡欲松偃蓋極不難栽時當去松中大根惟

留四旁鬚根則無不偃蓋陸士衡連珠披雲看霄韓

非子木枝扶疎將塞公問李公垂詩海燕參差拂水翅

陳去非詩門前流水過春意滿渠碧王詩獨坐幽

篁裏彈琴復長嘯據鞍見雁門尚書行張見贖衰

挑賦風落新枝晉書孫楚傳但永無棟梁用耳戴復

古詩老幹

百年久 自言年少西韓生幽并豪俠皆知名酒酣箕

踞聽鼓瑟射麋擊兔邯鄲城天生奇質難自棄一朝折

節傾公卿自言二字直貫篇末此段言西韓年少任氣而以折節傾公卿引起高邑也○幽并見遇

劉雪筋酒酣見贈吳錦雯箕踞見行路難杜詩野

飯射麋新漢書賈山傳擊兔伐狐統志邯鄲故城在

今邯鄲縣西南白詩天生麗質難自棄一當時海內

朝選在君王側戰國策主折節以下其臣

推高邑趙公簡重稱相得才地能交大父行戶浪襟期切

雅負名賢識公會過我讀書處笑倚南樓指庭樹歸田

太宰昔同游廿載林泉共來去此是君恩優老臣後來

吾輩應難遇此段從傾公卿側出高邑而言高邑曾遊此莊并述高邑語也○統志高邑縣在

趙州西南五十里後漢書孔融傳河南尹李膺以簡

重自居史記魏其侯傳相得驩甚才地見蕭史青門

曲史記鄭當時傳其游知交皆其大父行天下有名之士也

杜詩時赴鄭老同襟期名賢見送何省齋南樓見送志衍入蜀古詩庭中有奇樹歸田見贈家侍

御北史韋夔傳所居之地枕帶林泉戰國策左師

觸讐曰老臣病足每思此語輒泫然知已投荒絕塞

吾輩見送龔孝升

天同是冢臣恩數異傷心非復定陵年黃巾從此成貽

禍青史誰來問斷編鉤黨幾家傳舊業干戈何地着平

泉此段悲高邑而并紀闖寇也舊業平泉為雕橋莊作反襯○禮孔子泣然流涕孟詩投荒法未寬駮賓

王詩交河浮絕塞忠經冢臣于君可謂一體采史孝宗紀趙鼎范冲并還恩數明史神宗紀葬定陵黃

巾見雜陽行青史見又咏古劉夢吉詩依舊西窻理

斷編鈞黨見讀史雜詩左太冲詩金張藉舊業

大清一統志平泉莊在正定府贊皇縣西北

張樗村唐李德裕游息之所今為玉泉寺

我有山莊

幸如故老樹吟風自朝暮磐石寧容蟲蟻穿斧斤不受

樵蘇誤鈴索高齋擁賜書名花異果雕欄護綠萼紅蕖

水面開門前卽是鳴騶路子弟傳呼千騎歸不教鞍馬

驚鷗鷺此段幸雕橋莊之無恙也老樹吟風仍不脫古槐意○山莊見清風使節圖

霜吟風見清風使節圖劉文房詩東流自朝暮漢書文帝紀所謂磐石之宗也蟲蟻見送何省

蘆洲行天寶遺事唐寧王春時紐紅絲寫繩綴金鈴繫花梢上以驚鳥雀號護花鈴高齋見汲古閣歌漢書

序傳家有賜書各花見遇劉雪舫補注後漢書桓榮

傳詔賜奇果雕欄見宮扇爾雅郭注荷蓮實梁簡文

詩紅蕖間青瑣杜詩水面月出藍田閣南史到溉傳

每歲時恒鳴騶枉道以相存問西韓墓誌公之諸子鳴

騶夾道傳呼見蕭史青門曲駱賓王詩羅敷使君千

騎歸鞍馬見哭志衍祖孝徵詩年見驚鷗起百詩風

靜下 鷗鷺 年年細柳與新蒲 樵點溪山入畫圖 四海烽烟喬

木在一窻燈火故人無相逢只有江南客 頭白尊前伴

老夫 此段以咏嘆作結蒲柳喬木映合古槐南客頭白

柳為誰綠 樵點見龍腹竹歌 陸魯望詩一窻

有餘明 百詩又作江南客 老夫見送何省齋

序中以高邑為主蓋雕橋莊乃高邑所記而於西韓

亦重其為趙公交名山別墅亂後獨全高門遺老晚

節最勝幸太宰處在言內而悲高邑處在言外矣家

門蟬冕乃以餘筆及之非作詩本意也 詩中前後似

於亂後獨全家門蟬冕三致意焉然首從古槐諒起

取徑自別而以自言二字直貫通篇則林泉鞍馬祇

西韓意口中中語而作者胸襟

正別有在也於此見作詩身分

海戶曲 原註南海子周環一百六十里有海戶千

人 明史武宗紀十一年錄 自宮男子三

卷六上

千四百餘人充海戶天清一統志南海子

在京城永定門外二十里亦名南苑方一百六

十里元為下馬飛放泊明永樂中增廣

其地以為蕃養禽獸種植蔬果之所

大紅門前途海戶衣食年年守環堵收藁腰鎌拜嗇夫

築場貰酒從樵父不知占籍始何年家近龍池海眼穿

七十二泉長不竭御溝春暖自涓涓點出海戶總寫一段○高澹人扈從

西巡日錄南紅門內海子元時為飛放泊我朝建新

宮二宮東西對峙相去二十里仍設海戶一千八百人

守視人給地二十四畝自食其力禮儒有一畝之宮

環堵之室史記蕭相國世家上林中多空棄地願令

民得入田母收藁為禽獸食鮑詩腰鎌刈葵藿書齊夫

馳詩九月築場圃史記高祖紀常從王媼武負貰酒

注賈賒也儲光羲有樵父詞漢書宣帝紀流民自占

八萬餘口師古曰占者謂自隱度其戶口而著名籍也

沈雲卿有龍池篇杜詩古老相傳是海眼莊子夫

大壑之為物也注焉而不滿酌焉而不竭御溝見青

門曲淵明歸去來辭泉涓涓而始流平疇如掌催東作水田漠漠江南樂

鴛鴦鷺鶻滿烟汀不枉人呼飛放泊原注南海子有水泉七十二處元之

飛放治也後湖相望築三山兩地神州咫尺間原注以西苑後湖名海子

故此遂使相如誇陸海肯教王母笑桑田蓬萊樓閣雲

霞變涼鷹臺上何王殿原注涼鷹臺元之仁虞院也當使大學士提調之鷹墜皆用先

朝舊璽改作傳說新羅玉海青星眸雪爪飛如練原注

按當應作常玉海

青即白詐馬筵開桐酒香原注元有割鮮夜飲仁虞院

鷹也詐馬宴

二百年來話大都平生有眼何曾見頭白經過是舊朝

春深慣鎖黃山苑原註典守唯聞中使來樵蘇輒假貧

民便以上言元之飛放泊至明而大異也○陶詩平疇

交遠風沉雲卿詩秦地平如掌書平秩東作

漢漢水田飛白鷺江南樂見琵琶行 駕鷺見彈琴

歌本草鷺鷥水鳥也陸務觀詩寄懷魚鳥卧煙汀 更

記秦始皇紀徐市言海中有三神山曰蓬萊方丈瀛洲

漢書揚雄傳武帝營建章鳳闕漸臺泰液象海水周流

方丈瀛洲蓬萊 更記孟子傳騶衍以為中國名曰赤

縣神州左傳注八寸曰咫 天清一統志瀛臺在

皇城內太液池南即明西苑也 漢書東方朔傳天

下陸海之地 神仙傳麻姑云接待以來已見東海三

為桑田按相如王母字皆借用 唐會要大明宮龍朔

三年號曰蓬萊宮江詩雲霞冠秋嶺 一統志瞭鷹臺

在永定門外南海子內大典縣界也元史武宗紀至大

元年二月立鷹坊為仁虞院帝京景物略海子中有殿

殿旁瞭鷹臺臺臨三海子築七十二橋以渡元之舊也

何王殿見避亂第六首 南史新羅國傳新羅在百濟

東南五十餘里柯敬忠宮詞元戎承命獵郊坰勅賜新

羅玉海青杜詩金眸玉爪不凡材謝元暉詩澄江淨

如練楊和吉詩自注云每年六月三日詐馬筵席盛

陳奇獸漢書禮樂志給大官搗馬酒注以馬乳為酒撞

搗乃成也班孟堅西都賦割鮮野食詩厭厭夜飲帝

京景物略元時有仁虞院蓄獸之地即今南海子元

史劉秉忠傳帝命秉忠相地于桓州東灤水北名曰開

平繼升為上都而以燕為中都八年以中都為大都一

統志元太祖十年置燕京路總管大興府至元九年改

曰大都眼見見遇南廂園叟庾詩漢使絕經過

春深見鴛湖曲漢書霍光傳張圍獵黃山苑中一統志

黃山宮在西安府興平縣西南參同契典守弦期梁

書徐勉傳二宮并降中使樵蘇見蘆洲行

漢書宣帝紀又詔池籞未御幸者假與貧民芳林別館

百花殘廿四園中爛熳看原註南海子有二記得尚方

初薦品東風鈴索護雕闌葡萄滿摘傾筠籠蘋果新嘗

十四園係明時制

捧玉盤賜出宮中公主謝分遺闕下侍臣餐一朝剪伐

生荆杞五柞長楊悵已矣野火風吹螞蟻墳

原注海子東南有螞蟻墳

蟻墳每清明日數萬皆聚於此枯楊月落蝦蟇水

原注玉泉一名蝦蟇泉流入海子

盡

道千年苑囿非忽驚萬乘車塵起

以上言明之南海子至本朝而又異也

○張平子東京賦濯龍芳林司馬長卿上林賦離宮別

館彌山跨谷庾詩紫穗百花開高澹人扈從西巡日

錄南海子明永樂年設二十四園以供花果上林賦麗

靡爛熳于前尚方見讚佛詩文通謝開府辟召表薦

品在官鈴索見雕橋莊歌雕闌見宮扇羣芳譜葡

萄一名蒲桃一名賜紫櫻桃杜詩野人相贈滿筠籠

羣芳譜蘋果出北地燕趙者尤佳果如梨而圓滑生青

熟則半紅半白或全紅梁簡文帝詩玉盤余自嘗公

主見蕭史青門曲王詩芙蓉闕下會千官采芡清詩

花落侍臣衣剪伐見禁清湖杜詩千村萬落生荆杞

五柞見哭志衍長楊見讚佛詩陳伯玉詩霸圖悵已

矣百詩野火燒不盡春風吹又生帝京景物略海子

西北隅歲清明日蟻集成邱中一邱高丈旁三四邱亦

數尺竟日乃散去土人目為螞蟻墳爾雅注大螳即馬

螳也易枯楊生稊靈輔通志玉河即西苑所受玉泉

注入西湖逶迤從御溝而東以注于大通河按遼史

地理志引丁令威歌去家千年今來歸城郭雖是

人民非盡道句暗用之穀梁傳車軌塵馬候蹄雄圖

開國馬蹄勞將相風雲劍槊高帳殿行城三十里旂旗

獵獵響鳴鞘朝鮮使者奇毛進白鷹刷羽霜天勁舊跡

凌歊好放鵬荒臺百尺登臨勝俊鵲重紅此地飛黑河

講武當年盛弔古難忘百戰心掃空雉堞江山淨此言

南海子之盛晉書武帝紀贊斷雄圖於議表易開國

承家馬蹄見行路難五代史王重師傳善劍槊沈

現在

沈

沈

沈

沈

沈

休文詩帳殿臨春籞北史何稠傳初稠制行殿及六合城帝于遼左夜中施之其城周廻八里比明而畢季

詩雲旗獵獵過潯陽又金鞭拂雪挿鳴鞘天清一

統志朝鮮在盛京東一千八百里其貢道自鳳凰城至

京師三千九十六里杜詩不惜奇毛恣遠遊元史答

黑麻傳特賜白鷹以表其貞廉梁簡文帝詩刷羽向沙

洲詞名有霜天曉角廣輿記凌歊臺在太平府黃山

巔劉宋建離宮於此金史章宗紀詔百姓不得放羣鷗

季詩舊苑荒臺楊柳新季君虞詩更在秋風百尺臺

登臨見送志衍入蜀杜詩俊鵲無聲過元史阿塔

海傳常從太祖同飲黑河水一統志裏遂黑河在牧廳

東南界土人名額伯里遂黑河外遂黑河在牧廳東南

界土人名阿祿遂黑河國語三時務農而一時講武

百戰見蘆洲行薩天錫詩雨過江色爭王詩天寒遠

山新豐野老驚心目縛落編籬守麋鹿兵火摧殘淚滿

衣昇平再覩修茅屋衰草今成御宿園豫游只少章

木上林丞尉已連催灑掃離宮補花竹
此段收到海一戶與起處相應

百詩新豐老人八十八心目見西田詩
百詩新開籬

落間編籬見松鼠
兵火見遇南廂園叟摧殘見松鼠

岑參詩雪裏題詩淚滿衣
昇平見琵琶行晉書羅含

傳于城西小洲上立茅屋
沈休文詩衰草無容色梁

元帝詩交柯御宿園
漢書貨殖傳木于章竹竿萬个

又百官公卿表上林有八丞十二尉
元詩須臾覓得

又連催離
人生陵谷不須哀蘆葦陂塘雁影來君不

宮見讚佛詩

見鄠杜西風蕭瑟裏丹青早起濯龍臺
此段收束全篇詩高岸為谷

深谷為陵
常建詩夜寒宿蘆葦杜詩陂塘五月秋許

仲晦詩波澄雁影深
天清一統志鄠縣故城在今

鄠縣治北杜陵故城在咸寧縣東南蕭瑟見彈

琴歌
張平子東京賦濯龍芳林注濯龍池名

拔鄠縣志馬家莊飛放泊在縣城北八里南新莊飛

放泊在縣南二十五里栲栳塋飛放泊在縣西南二

吳詩集卷六上

十五里則不止南
海子有此稱也

退谷歌

原注贈同年孫公北海
孫北海春明夢

餘錄京西之山爲太行第八陁自西南蜿蜒而來近京列爲香山諸峯乃層層東北轉至水源頭一澗最深退谷在焉周櫟園尺牘新抄孫承澤字北海上林苑籍山東益都人統志承澤大興人歷官吏部侍郎乞休築退谷於西山

我家乃在莫釐之下具區之東洞庭烟鬢七十二天際

杳杳聞霜鐘豈無巢居子長嘯呼赤松後來高卧不可

得無此世非洪濛元氣茫茫鬼神鑿黃虞既沒巢由

窮

此段從自己說起言江南本多勝地而明之末季竟無樂土也○姑蘇志吳釐山以在洞庭之東稱東洞

庭山周廻八十里季詩乃在洞庭之南瀟湘之浦爾

雅十數吳越之間有其區漢書地理志吳縣具區澤古

人以爲震澤韓詩擢玉紆烟鬟蘇州圖經具區接

蘇常湖秀四州界內有大小山七十二洞庭居其一焉

天際見送施愚山郭景純山海經注霜降則鐘鳴季

詩餘韻入霜鐘王康琚詩昔在大平時亦有巢居子

長嘯見壽龔芝麓列仙傳赤松子者神農時雨師也

晉書陶潛傳高卧北窻之下淮南子西窮杳冥之

黨東開鴻濛之先說文元氣初分重濁爲地莊子曰

鑿一竅七日而混沌死黃虞見贈家侍御漢書鮑宣

傳堯舜在上逆旅逢孫登自稱北海翁攜手共上徐無

下有巢由

峯仰天四顧指而笑此下卽是宜春宮若教天子廣苑

圍吾地應入甘泉中丈夫蹤跡貴狡獪何必萬里游崆

峒此段點出北海而以逆旅二字接下渾然無迹○左

傳僖二年保於逆旅孫登見題上土圍詩攜手同

行徐無見高士圖更記滑稽傳淳於髮仰天大夫莊

子為之四顧漢書元帝紀初元二年罷宜春下苑假

與貧民額師古注宜春下苑即今茂城東南隅曲江池

是括地志宜春宮在萬年縣西南二十里漢書東方

朔傳廣狐鬼之苑史記高祖紀請吹秦苑園池皆令

人得田之甘泉見讚佛詩老心菴結筆記麻姑傳

王方平曰吾子不戲作狡獪事蓋古語謂戲為狡獪

莊子黃帝立十九年問廣成子在崆峒之上齋居三月

往見之明統志崆峒山在平涼府西三十里上有問道官

君不見抱石沈焚山死被

髮伴狂棄妻子匡廬峰成都市欲逃名姓竟誰是少微

無光客星暗四皓衣冠只如此使我山不得高水不得

深鳥不得飛魚不得沉武陵洞口聞野哭蕭斧斫盡桃

花林仙人得道古來宅劫火到處相追尋不如三輔內

此地依青門非朝非市非沉淪鄂杜豈關蕭相請茂陵

不厭相如貧此總承上兩段自抱石焚山至劫火追尋

陵卽次段吾地入甘泉意○史記屈原傳于是懷石遂

自投汨羅以死晉史乘介子推去而之介山之上文

公使人求之不得以為焚其山宜出及焚其山遂不出

而死冥越春秋子胥之吳被髮佯狂匡廬見贈蒼

雪漢書王貢兩龔傳序獨有嚴君平卜筮于成都市

又注法真傳逃名而名我隨少微客星見讀西臺記

注高士傳四皓者皆河內軹人也或在汲餘見廿五

日詩曹孟德樂府山不厭高水不厭深陶詩望雲

慚高鳥臨水愧遊魚桃花源記武陵人捕魚為業緣

溪行忽逢桃花林林盡水源便得一山山有小口野哭

見楚兩生行桓譚新論以強秦之勢伐弱韓譬猶礮

蕭斧以伐菌也淮南子昔者馮夷得道以潛大川紺

且得道以處崑崙劫火見行路難追尋見題河洛圖

二輔見送沈繹堂左馬翹注青門見青門曲全

康珞反招隱天隱隱朝市沉淪見遇劉雪舫鄂杜見
海戶曲更記蕭相國世家相國因爲民請曰長安地狹
上林中多空地願令民得人飲君酒就君宿羨君逍遙
田茂陵相如見送何省齋

之退谷花好須隨禁苑開泉清不讓温湯浴中使敲門

爲放鷹羽林下馬因尋鹿我生亦胡爲白頭苦碌碌送

君還山識君屋庭草彷彿江南綠客心歷亂登高目噫

噦乎歸哉我家乃在莫釐之下具區之東側身長望將

安從此段贊羨退谷仍用自已作結與起處相應本是
逆旅相逢故云送君還山而彷彿江南則已引入

莫釐峯矣風水相遭而成文令人不可思議○季詩飲
君酒爲君吟逍遙谷見韋城行琴參詩昨日花正

好班孟堅西都賦西郊則有上囿禁苑稭詩在山泉
水清唐書高祖紀王子獵於驪山甲寅王自温湯中

使見海戶曲賈闔仙詩僧啟月下門窻史道宗純御製

放鷹賦羽林見維陽行高逵夫詩送君還山識君

心王承基詩庭草無人隨意綠邱希範與陳伯之書

暮春三月江南草長張道濟詩客亦乎日月鮑詩歷

剛如覃葛李詩噫噫嗚危乎高哉

詩歸哉歸哉側身見送何省齋

王承基庭草無人隨意綠茗溪漁隱許其以一句名

世然子山細草橫階隨意生已在承基之前承基句

似更韻耳温飛卿芳蘭

無意緣則又翻一意也

贈文園公

居易錄輪八和尚名同揆明相國文文

肅弟震事之子少為諸生名果字園公

沈歸愚師曰同揆字輪菴江南吳縣人滄桑後

逃於禪所為詩皆人倫日用盛衰興廢之感墨

名儒行斯人有焉

君家丞相人中龍屈申時會風雲空廬陵忠孝兩賢繼

待詔聲名累葉同致主絲綸三月罷傳家翰墨八分工

此從文肅說起兼詳其家世○明史文震孟傳字文起

吳縣人待詔徵明曾孫也崇禎改元擢禮部左侍郎兼

東閣大學士福王時追謚文肅晉書宋纖傳酒泉太守

馬岌造之不見曰人中龍也按詩似用史記老子傳意

漢書宣帝紀時會朝請廬陵見讀西臺記我廬陵

忠孝蓋本張宏範丞相忠孝盡矣之語兩賢繼則林與

森也宋錫鬯處士文君墓誌文氏之先自廬陵徙衡州

復自徐徙杭居吳又曰修文氏族譜本温州守之訓謂

人立身自有本末出處自有據依何必附丞相信公以

爲重故自蘇州分派始按此則信國其遠祖也汪茗

文文肅公傳先世自衡屢遷始定居於蘇有諱林者

偕其弟森後先舉進士林官至温州知府森巡撫都御

史林生翰林待詔徵明徵明生國子博士彭彭生衛輝

同知贈左諭德兼侍講元發元發生公在內閣不滿三

月雖屢見寵顧而受同官掛階訖未有所設施後漢書

耿弇傳耿氏累葉以功名自終應休璉與從弟書思

致君於有虞狂詩欲知世掌絲綸美傳汝父翩翩相
家見觀通天帖翰墨八分見送沈繹堂

公弟詞場跌宕酣聲伎才大非關書畫傳門高不屑公

卿貴老向長安作布衣主知特達金門戲此段歸重啓美而以主知

特達引下文○更記平原君傳贊翩翩濁世之佳公子也明詩綜交震亨字啓美崇禎中官武英殿中書舍

人竹耳詩話啓美相君介弟名挂黨人之籍後以善琴供奉思陵詞場見哭志衍三國志簡雍傳性簡傲

宕爾史張欣泰傳聲伎雜藝頗多開解才大見哭志

衍書畫傳見觀法帖唐書柳玭傳門高則自驕禮

圭璋特達王子淵四子講德論特達而相知者千載之

一遇也史記滑稽傳旁有銅馬故曰金馬門揚子雲解

嘲今吾子事得歷金先帝齋尼好鼓琴相如召入賜黃門上玉堂有日矣

金大絃張急宮聲亂識是君王宵旰心為君既難臣亦

苦龜山東望思宗魯左徒憔悴放江潭忠愛惓惓不忘

楚可惜吾家有逐臣曲終哀怨無人補欲譚治道將琴

諫審音先取宮商辨怡神玉几澹無為雲門樂作南薰

殿君臣朋友盡和平四海熙然致清晏聖主聞聲念舊

臣名家絕藝嗟稱善此正寫啓美以琴供齋之事中間

高頰傳惟齋居讀佛經而已漢書司馬相如傳字長

卿蜀郡成都人也臨卽令前奏琴曰竊聞長卿好之父

上讀子虛賦而善之乃召問相如文選長門賦序陳皇

后別在長門宮聞司馬相如天下工為文奉黃金百斤
而相如為文以悟主上按此詩蓋攢簇用之史記田
敬仲世豕騶忌子曰夫大絃濁以春温者君也禮宮亂
則荒鞞詩外傳治國者譬若乎張琴然大絃急則小絃
亂矣曹詩為君既不易為臣良

獨難按詩意兼用晉書桓伊傳拊箏而歌怨詩也

山操予欲望魯兮龜山蔽之一統志龜山在泰安府新

泰縣西南四十里左徒見東萊行惟悴江潭見送杜

岷武史記屈原傳瞻顧楚國繫心懷王不忘欲反漢

書劉向傳念忠臣雖在敵國猶不忘君惓惓之義也

逐臣見東萊行漢書司馬相如傳贊曲終而奏雅隋

書音樂志爭新哀怨漢書黃霸傳治道去泰甚者

禮審音以知樂又宮為君商為臣怡神玉几見讚佛

詩雲門見琵琶行南薰殿見宮扇和平見送周子

做梁簡文帝詩熙然聊自得江摠持詩清晏留神賞

後漢書伏湛傳知湛名儒舊臣名家見觀通天

帖絕藝見王賡曲史記陸賈傳高帝未嘗不稱善歸

來卧疾五湖雲垂死干戈夢故君綠綺暗塵書卷在春

令原上戴顓墳雍門歌罷平陵曲報韓子弟幾湛族竺

鳩祠堂鬼火紅閭門池館蒼巖宿汝念先人供奉恩抱

琴長向荒江哭滿日雲山入舊圖只今無地安茅屋誰

將妙蹟享千金後人餒死空山麓此段言國變後文肅啓美俱亡而園亦

艱苦備嘗也○後漢書劉翊傳翊常守志卧疾五湖見

贈家侍御元詩垂死病中驚坐起綠綺見下玉京

歌詩春令在原兄弟急難甯史戴顓傳字仲若譙郡

鉦人也父達善琴書顓及兄勃並受琴于父出居吳下

吳下士人共為築室桓譚新論雍門周以琴見孟嘗

君孟嘗君曰先生鼓琴亦能令文悲乎雍門周引琴而

鼓之徐動宮徵叩角羽終而成曲孟嘗君歔歔而就之

平陵曲見讀西臺記報韓見又咏古明史震孟二子

秉乘乘遭國變死於難湛族見讀西臺記按蘇州府

志三講官祠在虎邱二山門外祀文文肅姚文毅陳文

莊靜志居詩話姜如須葬西山之竺鵑西山屬吳縣文

肅祠堂多竺塢其專祠也杜詩丞相祠堂何處尋又宋

端正氣歌陰房闐鬼火閭門見送志衍入蜀池館見

哭志衍巖見松鼠供奉見王郎曲李詩明朝有意

抱琴來在詩見月荒江渺季巨山詩山川滿目淚沾
衣雲山見閬州行南史裴子野傳子野在禁省十餘

年無宅借官地二畝起茅屋數間續世說魏野贈寇萊
公詩有官居鼎鼐無地起樓臺妙蹟見觀萬成通天

帖魏文帝典論家有傲帝享之千金狂詩那知餓死
墳溝壑下和怨歌空山欲獻泣龍鍾狂詩亭午下山麓

與君五世通中表相國同朝悲宿草尋山結伴筍輿游

汝父平生與我好君才調擅丹青畫舫相逢說死生

君不見信國悲歌青史裏古來猶子重家聲此段說到交情世講

文肅啟美園公層層收到信國悲歌仍回峽廬陵忠孝

也○采書習法駿傳雖鄉親中表莫得見也又劉敬宣

傳中表異之禮朋友之墓有宿草而不哭焉南史

謝靈運傳尋山陟嶺必造幽峻舌企喻曲結伴不須多

筍輿見廿五日詩筍屨注狂詩汝與山東李白好

才調見永和宮詞丹青見西田詩蘇詩全家依畫

吳詩集卷六上

舫采史文天祥傳益王昀衛王繼立加天祥少保信
國公悲歌見臨江叅軍仇滄柱曰文山當南宋訖錄繫
身赴燕家破國亡而作六歌其詞哀以迫青史見又咏
古猶子見送杜欽武狂詩輝赫舊家聲阮紫坪曰信
國與弟璧同榜進士弟仕元至安撫使空坑之敗信國
子去無存後以弟之子爲嗣元仁宗以信國盡節官
其子

集賢

翰菴粵湖篇序丁丑戊寅間先公受知於烈皇帝遵
旨改撰琴譜宣定五音正聲破諸郊祀上自製五律
皇極百僚師師諸曲命先公付尹紫芝內翰翻譜
別時司其事者內監琴張張奉命出官嬪褚貞娥等
禮內翰爲師指授琴學頒賜紫花御書酒果練葛之
屬極一時寵遇迨闖賊肆逆烈皇帝殉社稷諸善琴
者借投內池內翰恐御製新譜失傳忍死抱琴而逃
南歸謁先公於香草垞言亡國時事甚悉從此二十
九年不復聞音耗矣癸亥秋余在寒溪內翰忽來相
見如夢寐意欲薙染事余學佛余傷之爲賦粵湖篇

贈以

吳詩集卷之六上

七

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

詩集覽卷六下

七言古詩三之下

畫中九友歌

華亭尚書天人流墨花五色風雲浮至尊含笑黃金投

殘膏剩馥鷄林求

原注元宰尚書始終膺仕故就貴盛處言之○明史文苑傳董其昌

字元宰松江華亭人天啟五年拜南京禮部尚書其畫集宋元諸家之長行以已意瀟灑生動非人力所及也魏畧邯鄲淳見曹植才辯對其所知嘆為天人李長吉詩紗帷畫暖墨花春司馬長卿大人賦焱風涌而雲浮杜詩至尊含笑催賜金唐書杜甫傳贊殘膏賸馥沾後人多矣鷄林見汲古閣歌太常妙

蹟兼銀鈎樂郊擁卷高堂秋真宰欲訴窮雕搜

應作解

衣盤礴堪忘憂

原注烟客太常歸隱西田故就拂衣後言之○烟客見西田詩梅村王烟客

七十壽序先朝論畫取元四大家為宗繇石田山人後

宗伯為集其成而奉常畧與相亞玉貽上芝屢集序太

常公以風流宏長巋然為江左文獻尤擅者六法寸縑

尺素流傳海外世之論者以比黃公望而年壽亦如之

此非烟雲供養不能妙蹟見觀萬歲通天帖書苑晉索

靖草書絕代名曰銀鉤蠶尾烟客七十壽序江南故

多名園其最者曰樂郊北史李謐傳丈夫擁書萬卷漢

書馬融傳常坐高堂莊子若有真宰存焉杜詩真宰

上訴天應泣左太冲魏都賦木無誰其匹者王廉州神

雕鏤解衣盤礴見六真圖歌

姿玉樹三山頭擺落萬象烟霞收尊爨斑剝探商周得

意換却千金裘原注元照元照烟客之族故用蟬聯

而下○續圖繪寶鑑王鑒字元照太倉

人善畫山水摹倣董巨者居多鄧孝威詩觀初集元照
乃弇州先生之曾孫舊任廉州太守世說王戎云太

尉神姿高徹如搖林瓊樹

天清一統志三山在吳

縣西南水經注太湖有三山按詩意自用封禪書海中

有三神山也陶詩擺落悠悠談萬象見磬清湖烟霞

見讀西臺記國語出其尊爨博古圖上尊曰爨班剝

見遇南廂園叟得意見行路難李檀園著述誇前修

詩五花馬千金裘呼兒將出換美酒

丹青餘事追營邱平生書畫置兩舟湖山勝處供淹留

原註長蘅著述則不止於丹青矣故云餘事而書畫

雙舉亦見長蘅身分○明詩綜李流芳字長蘅嘉定人

萬歷丙午舉人有檀園集著述見送周子傲後漢書劉

愷傳景仰前修韓詩餘事作詩人居易錄畫家有兩

李營邱北宋李成人皆知之南宋李永亦稱營邱知之

者殊少太原王穉登云李營邱以山水擅名為宋畫院

第一謂永也黃魯直詩滄江靜夜虹貫月定是米家

書畫船宋史章望之傳山水勝處無所不歷淮南王

招隱士攀援桂

枝兮聊淹留阿龍北固持雙矛披圖赤壁思曹劉酒

下

醉灑墨橫江樓蒜山月落空悠悠

原註龍友龍友曾任封疆故以健筆形

容之而披圖灑墨不脫畫意○張如哉曰阿龍借用世

說桓廷尉謂王導語板橋雜記貴陽楊龍友名文驄以

詩畫擅名華亭董文敏亟賞之明史地理志丹徒縣北

有北固山濱大江又楊文驄傳

大清兵臨江文驄

駐金山扼大江而守擢右僉都御史巡撫其地還駐京

口隔江相持唐書白孝德傳史思明使驍將劉龍仙挑

戰孝德擁二矛策馬絕河追斬其首披圖見龍腹竹

歌赤壁見壽龔芝麓陸士衡辨亡論曹劉之將非一世

所選

陳無已詩揮毫灑墨

填空虛江樓見

姑蘇太守

送志衍

一統志

丹徒縣城西江口有蒜山

姑蘇太守

今僧繇問事不省張兩眸振筆忽起風颼颼連紙十丈

神明迺

原注爾雅

寫爾雅用傲岸之筆問事句奇崛

入神○姑蘇見馨清湖圖繪寶鑑張僧繇吳人
梁天監中歷官至右將軍吳興太守以丹青馳譽於時
續圖繪寶鑑張學曾字爾雅曾稽人由中書仕吳郡太

守自幼好書畫重交游蘇州府志知府張學曾字約菴
副榜順治十一年任不省見雒陽行王少伯詩眼睚
淚滴深兩眸子瞻畫竹記振筆直遂又詩颯
颯欲作松風鳴北史崔陵傳恨其精神太邁松圓詩

老通清謳墨莊白畫歸田游一犁黃海鳴春鳩長笛倒

騎烏犍牛集作特非犍音字牝牛也原註孟陽寫

○明史程嘉燧傳字孟陽休寧人工詩善畫稱曰松圓
詩老後漢書張衡傳王豹以清謳流聲張邦基墨莊

漫錄序僕性喜藏書隨所寓榜曰墨莊歸田見贈家侍
御朱子詩好雨當春過一犁一統志黃山在歙縣西

北黃山志山時有鋪海之奇白雲四合彌望如海潘皆
山曰歙縣志謂長翰山有松圓閣孟陽棲逸於此傍有

纓絡松則黃海即孟陽故里故云歸田遊也曹詩春鳩
鳴飛棟馬季長有長笛賦晉書王獻之傳桓溫使畫

扇誤落筆就畫一鳥駁犍牛甚妙按明史倒騎烏犍乃
袁海叟事此詩所言蓋畫中人也魏書胡叟傳恒乘一

特牛傲草 花龕巨幅千峯稠小景點出林塘幽晚年筆
袴褶而已

力凌滄洲幅中鶴髮輕王侯 原註潤甫 寫潤甫用和
平之筆巨幅小景見其無

體不工而凌滄洲輕王侯皆畫中快境 ○江南通志下

文瑜字潤甫長洲人 工畫山水不名一家生平無定居

爐香茗椀到處自隨 吳偉業九友歌有晚年筆力凌滄

洲幅中鶴髮輕王侯之句 沈雲卿詩花龕隱南巒張仲

舉詩我嘗見畫多巨幅千峯見西田詩 袁海叟詩右

丞小景樹參差我有林塘實似之 圖繪寶鑑文瑜善山

水小景頗佳大者罕見 南史王僧虔論書云惟見筆

力驚異耳 李詩詩成笑傲凌滄洲 後漢書鮑永傳注

謂不著冠但幅中束首也 庾子風流已矣吾瓜疇一生

慎詩鶴髮辭軒冕易不事王侯

迂癖為人尤僮僕竊罵妻孥愁瘦如黃鵠閒如鷗烟驅

墨染何曾休 原註僧彌 僧彌境困故形容近奇 ○梅
村邵山人墓誌君諱彌僧彌其字於畫儼

宋元性舒緩有潔癖
改殆其迂僻如此僧
意見哭志衍左太冲
皆竊罵蘇詩經營身
負閒鷗南史庾肩吾
楚辭寧與黃鵠比翼
乎鄭元祐詩詩盟從
此

原評用飲中八仙
絕異其面目所以可
貴

飲中八仙各形容到
極奇處方於仙字為
合九友歌則以平生
交游者言之故不必
務為奇矯如至尊含
笑黃金投不必如天
子呼來不上船之奇
也幅巾鶴髮輕王侯
不必如脫帽露頂王
公前之奇也然和平
寫去奇情自在而各
為九友傳神寫照是
又梅村之畫矣梅村
余山詩故人重下拜
是會與仲醇友也元
宰與仲醇同時而詩
中不及仲醇何與

銀泉山
大清一統志銀山在
昌平州東北七十里
昌平平州志銀泉山
在大紅門內西明

吳詩集卷六下

神宗恭恪皇貴妃墓此按顧寧人昌平山水記作銀錢山

銀泉山下行人稀青楓月落魚燈微道旁翁仲忽聞語

火入空墳燒寶衣五陵小兒若狐兔夜穴紅墻縣官捕

玉椀珠襦散草間云是先朝鄭如墓起入句點出墓見墓已非昔也○杜

詩赤甲山下行人稀書楓見雒陽行魚燈見行路難

宋書五行志魏明帝景初元年發銅鑄為巨人二號

日翁仲置之司馬門外別見雒陽行銅狄註劉夢得

詩火入空陵化寶衣李公垂詩還同輕薄五陵兒穀

城山房筆塵唐時給事禁中多名為小兒如花藍小兒

飛龍小兒五坊小兒是也狐兔見鴛湖曲昌平州志

紅門在州城北七里漢書田延年傳幸縣官寬我耳

沈初明過通天臺上漢武帝表茂陵玉椀遂出人間珠

襦見永和宮詞王仲宣詩抱子棄草間先朝見清風

使節圖明史恭恪貴妃鄭氏大興人萬歷初入宮封

貴妃進皇貴妃帝寵之外庭疑妃有立己子謀羣臣爭
言立儲事章奏累數千百皆指斥宮闈攻擊執政帝槩
置不問由是門戶之禍大起神宗崩遺命封皇后禮部
侍郎孫如游爭之乃止崇禎三年七月薨葬銀泉山

覆雨翻雲四十年專房共輦承恩顧禮數繇來母后殊
至尊錯把旁人怒承直中宮侍宴迴血裏銀環不知數
豈有言辭忤大家蛾眉薄命將身悞宮人斜畔伯勞啼
聲聲爲怨驪姬訴盡道昭儀殉夜臺萬歲千秋共朝暮
宮車一去不相隨當時枉信南山劍只今雲母似平生

皓齒明眸向誰妬

前八句寫鄭妃之專妬後八句漸引
到墓上按光宗泰昌元年卽萬歷四

十八年也光宗以萬歷十年生所云覆雨翻雲四十年
者光宗旣生外庭始爭言立儲詩蓋据光宗生後言之

耳又接光宗紀九月乙亥朔崩于乾清宮在位一月所
去一月昭陽舊恨長者西李居乾清之月也○杜詩翻
手爲雲覆手雨隋書宣華夫人傳專房擅寵漢書外
戚傳成帝遊於後庭嘗欲與班婕妤仔同輦載史記袁
盎傳上幸上林皇后慎夫人從其在禁中常同席坐及
坐袁盎引却慎夫人坐曰臣聞尊卑有序則上下和今
陛下既已立后慎夫人乃妾妾主豈可與同坐哉按禮
數由來母后殊暗用此事禮數見青門曲明史于玉
立傳陛下寵幸貴妃宴逸無度恣行威怒鞭笞羣下宮
人奄豎無辜死者干人夫人懷必死之心而使處肘掖
房闈間倘因利乘便甘心一逞可不寒心承直見雜
陽行中宮見永和宮詞高季迪詩明月西園侍宴廻
血裏見東萊行銀鑲見永和宮詞白詩一曲紅綃不知
數大家蛾眉見永和宮詞子建樂府有妾薄命杜
詩儒冠多誤身采敏求春明退朝錄唐內人墓謂之
宮人斜四仲遣使者祭之蔣一揆長安客話慈慧寺後
不二里有靜樂堂其牆陰皆宮人葬處所謂宮人斜也
爾雅鴟伯勞也詳寄周芮公鴟鳩注白詩絃絃掩抑

聲聲思左傳莊二十八年晉伐驪戎驪戎男女以驪姬

國語優施教驪姬夜半而泣昭儀見永和宮詞李詩

夜臺無李白戰國策大王萬歲千秋之後願得以身

試黃泉蓐螻蟻朝暮見鴛湖曲又通恨賦一旦殫斷

宮車晚出白詩一朝身去不相隨史記張釋之傳慎

夫人鼓瑟上自倚瑟而歌頌謂羣臣曰嗟乎以北山石

為槲用紵絮斲陳繁漆其間豈可動哉釋之前進曰使

其中有可欲者雖錮南山猶有郊本草綱目華容方

臺山出雲母土人候雲所出之處于下掘取無不大獲

李時珍曰昔人言雲母壅尸亡人不朽盜發馮貴人塚

形貌如生有雲母壅之故也子選侍陵園亦已荒移

建洛神賦明眸善睐皓齒內鮮

宮事蹟更茫茫兩朝臺諫孤忠在一月昭陽舊恨長總

為是非留信史却憐恩寵異前王路人尙說東西李

原註

二李寢園亦在山下

指點飛花入壞墻

此段因鄭妃而及選侍史筆詩

篋衍集作尙識

吳詩集卷下

情兩擅其妙。○明史后如傳康妃李氏光宗選侍也時宮中有二李選侍人稱東西李康妃者西李也最有寵嘗撫視熹宗及莊烈帝光宗卽位不豫召大臣入命封選侍爲皇貴妃選侍趣熹宗出曰欲封后帝不應旣而帝崩選侍尙居乾清宮外庭恟懼疑選侍欲聽政大學士劉一環吏部尙書周嘉謨兵科都給事中楊漣御史左光斗等上疏力爭選侍移居仁壽殿熹宗卽位而御史賈繼春進安選侍揭與周朝瑞爭駁不已帝復降敕屢旨詰責繼春繼春遂削籍去久之魏忠賢亂政四年封選侍爲康妃五年修三朝要典漣光斗等皆得罪死復召賈繼春與前旨大異矣。又楊漣傳鄭貴妃據乾清宮與帝所寵李選侍相結貴妃爲選侍請皇后封選侍亦請封貴妃爲皇太后漣光斗乃倡言于朝抗疏言選侍陽托保護之名陰圖專擅之實宮必不可不移其日選侍遂移宮居仁壽殿明日庚辰熹宗卽位自光宗崩至是凡六日漣與劉一環周嘉謨定宮府危疑言官惟光斗助之餘悉聽漣指漣鬚髮盡白帝亦數稱忠臣

按兩朝臺諫謂光熹之間楊左皆爲言官也

昭陽

見讚佛詩明史莊如李氏卽所稱東李者也仁慈寡
言笑位屠西李前而寵不及天啟元年二月封莊如
忠賢客氏用事惡如持正宮中禮數多被裁損憤鬱薨
池北偶談明光宗朝選侍李氏鼎革後尙存至康熙甲
寅歲五月十八日始卒指點見龍腹竹歌
韓君平詩春城無處不飛花壞牆見松鼠
張如哉曰梅村墓表卒於辛亥歲康熙十年今言李
選侍康熙甲寅歲始卒而此詩自注二李寢園亦在
山下何也池北偶談或
出於傳聞異詞與俟考

田家鐵獅歌

田家鐵獅屹相向
醜醜蹲夷信殊狀
良工朱火初寫成

四顧咨嗟覺神王

此詩借鐵獅以悲田家因田家而咏勝國也田家謂田宏遇家起四句點

完題面○在詩榻上庭前屹相向
賦元熊碑談以斷斷後漢書魯恭傳蹲夷踞肆邱希範

詩蕪絕峯殊狀 晉書樂志蘊朱火燎芳薪越語王命

工以良金寫范蠡之狀注謂以善金鑄其形也 四顧

見退谷歌郭振詩良工咨嗟 先朝異物徠西極上林金

璞奇絕神王見汲古閣歌

鎖攀檻出玉關罷獻獸圈空刻畫丹青似爭力武安戚

里起高門欲表君恩示子孫鑄就銘詞鐫日月天貽神

獸守重閣第令監奴睛閃爍老熊當路將人攫熊當不

堪此子更當關鈎爪張眸吐銀鬣先朝四句原起鐵獅武安四句指出田家

第令四句乃田家鐵獅也書不貴異物賤用物漢天

馬歌天馬徠從西極上林見讚佛詩北史赤土國傳

惟金鎖非王賜不得服用王介甫詩玉籠金鎖祇煩寬

玉關見行路難北史魏明元帝紀永興四年二月登 獸圈射猛獸李正巳詩刻畫何用妬西施荀子君子 力如牛不與牛爭力武安見永和宮詞戚里見蕭史

青門曲高門見彈琴歌虞伯施獅子賦有絕域之神

獸因重譯而來援易重門擊柝以待暴客禮闈者守門

之賤者也南史王偃傳第令必凡庸下才監子皆葭

萌愚豎漢書霍光傳注監奴謂奴之監知家務者王僧

孺中寺碑日流閃爍風度清鏘北史王羆傳老羆當

路卧貉子那得過按熊字當作羆然尤展成戲封苟變

關內侯制亦云老熊當道則刻寫之譌者多矣又後漢

書張綱傳豺狼當路安問狐狸此蓋合用之攫見哭志

衍稽叔夜絕交書而當關呼之不置一不堪也張如

哉日當關亦暗用楚辭虎豹九關啄害下人意虞伯

施獅子賦鈎爪鋸牙藏鋒蓄銳張七寶香猊玉辟邪嬉

眸見九友歌葉適詩根株見銀鬻

游牽伴入侯家園人新進天閑馬御賜仍名獅子花假

向羌胡裝雜伎狡狴笑出拳毛異跳擲聲聲畫鼓催條

支海上何繇致異材逸獸信超羣其氣無乃如將軍將

軍豈是批熊手曠目哮呼天下聞

此段以異物觀獅子以獅子觀鐵獅而又

以獅子比田家以田家比獅子極變化離合之奇皆言

田家鐵獅之盛也○蘇詩衣被七寶從雙狻香譜香獸

以塗金為狻狻空中以然香使烟自口中出以為玩好

居易錄天祿辟邪皆獸名一角曰天祿兩角曰辟邪總

謂之桃拔退之送温處士序士大夫之去位而巷處

者誰與嬉游韓致光詩羞澀伴牽伴韓君平詩輕烟散

入五侯家周禮夏官圉人掌養馬芻牧之事天閑見

馬草行杜詩近時郭家獅子花薛元卿詩假面飾

金銀晉書段灼傳募取涼州兵馬羌胡健兒又成帝紀

咸和七年冬除樂府雜技物理論獅子狻狻也拳毛

見龍腹竹歌釋史道州有舜祠凡遇正月初吉山狙

羣聚祠旁跳跟奮擲完詩光陰本跳擲畫鼓見鴛湖曲

史記大宛傳條枝在安息西數千里漢書西域傳條

支國臨西海而有桃拔獅子犀牛又司馬相如傳卒

然遇軼材之獸淮南子同師而超羣者必其樂之者也
按氣如將軍亦是從虎為寅將軍熊為雄將軍等事

化出然下文接入田蚡則將軍字當指宏遇也宏遇以

女貴官左都督於明史職官志將軍字為合子建七

啟批熊碎掌瞋目見行路難虞伯施獅省中忽唱田

子賦哮喘則江河振蕩李詩風流天下聞

蚡死青犢明年食龍子蝦蟇血灑上陽門三十六宮土

花紫此時鐵獅絕可憐兒童牽挽誰能前橐駝磨肩牛

礪角霜摧雨蝕枯藤纏主人已去朱扉改眼鼻塵沙經

幾載鎖鑰無能護北門畫圖何處歸西海省中四句田家之衰而用

青犢籠子蝦蟇等字仍襯入鐵獅此時四句鐵獅之衰

而霜摧雨蝕仍暗寫田家主人四句又用合寫法見田

家鐵獅都非昔也○漢書昭帝紀注蔡邕云本為禁中

避元后父名改曰省中史記武安侯傳武安侯田蚡者

孝景后同母弟也史記正義元光四年三月己卯田蚡

薨後漢書光武帝紀別號諸賊青犢等各領部曲晉

書五行志海西公初生皇子百姓歌曰鳳凰生一雛天下莫不喜本言是馬駒今定成龍子盧仝詩又聞古老說蝕月蝦蟇精上陽見蕭史青門曲季長吉詩三十六宮土花碧北齊平秦王歸彥傳使黃頷小兒牽挽我漢書匈奴傳注師古曰橐駝言能負橐囊而馱物也按廣絕交論影組雲臺者摩肩舊唐書韋處厚傳摩肩俟謁蓋本於國策臨菑之塗車轂擊人肩摩然左傳昭十二年摩厲以須則摩可通磨漢書梅福傳厲世摩鈍蓋本於左傳韓詩牧童敲火牛礪角黃魯直詩石吾甚愛之勿使牛礪角梅村謂鐵獅無主為駝牛所狎翫耳薩天錫詩雨蝕風吹半稜折吳子華詩枯纏藤重欹賈生鵬鳥賦主人將去杜詩曉人朱扉啟心經無眼耳鼻舌身意杜詩塵沙連越嶲北門吾聞滄鎖鑰見哭志衍注條支國臨西海見上文

州鐵獅高數丈

集作洲非

千年猛氣難凋喪風雷夜半戲人

間柴皇戰伐英靈壯蘆溝城雉對西山橋上征人竟不

還枉刻蹲獅七十二桑乾流水自潺潺秋風吹盡漣雲

宅鐵鳳銅鳥飛不得却羨如來有化城香林獅象空王

力扶雀犛牛見太平犛莫交切首茅月支使者貢西京并州精

鐵終南治好鑄江山莫鑄兵十六句就鐵獅而曲折旁通言之橋上征人寄懷獨

深秋風吹宅則田家不足道矣皈依化城亦不可奈何語也末四句二句是獅字餘波二句是鐵字餘波○

大清一統志滄州在天津府南少西一百八十里又

開元寺在舊滄州城內有鐵獅子高一丈七尺長一丈

六尺相傳周世宗時有罪人鑄以贖罪今寺廢鐵獅亦

殘闕杜詩猛氣猶思戰場利凋喪見茸城行五代

史周本紀世宗睿武孝文皇帝本姓柴氏顯德六年五

月乙巳朔取瀛州一統志天津府唐為瀛滄二州地戰

伐見觀通天帖北齊文苑傳序斯固威英靈以特達

一統志拱極城在宛平縣西四十里蘆構橋東蔣一揆

長安客話蘆構橋金明昌初建正統初重修長二百餘
步左右石欄刻獅子數百枚情態各異左傳隱元年都
城過百雉注一雉之墻長三丈高一丈西山見贈吳雪
航盧子行從軍行庭中琪樹已堪攀塞外征人殊未
還魏文帝詩于今竟不還桑乾見臨江叅軍一統志
永定河卽桑乾河逕宛平縣西南古名濕水又名清泉
河亦名蘆溝河楚辭觀流水兮潺湲沈休文詩秋風
吹廣陌潘安仁秋興賦高閣連雲李詩連雲升甲宅
李尙真詩鐵鳳曾鶯搖瑞雪銅烏細轉入祥風發迹
經淨名大士是往古金粟如來法華經法華道師多諸
方便於險道中化作一城是時疲極之衆生已度想生
安穩想蘇詩香林乍喜聞薜蔔因果經太子生時一
手指天一手指地作大獅子吼本行經摩耶夫人夢白
象日輪從左脇入召相師問之曰女人此夢必生轉輪
聖王矣觀佛三昧經過去久遠有佛出世號曰空王
國語巴浦之犀犛兕象太平見遇南廂園曼後漢書
章帝紀章和元年月支國使獻扶拔獅子西京見雒陽
行任華詩勁直渾是并州鐵一統志終南山在西安

府城南五十里漢書東方朔傳南山天下之阻也其山
出玉石金銀銅鐵左傳僖十八年鄭伯始朝于楚楚
子賜之金既而悔之
與之盟曰無以鑄兵

題崔青蚓洗象圖

手如哉青箱堂集崔子忠青蚓
工圖繪為絕技采錫鬯崔子忠

傳崔子忠字開子一名丹字道母別字青蚓先
世萊陽人居京師補順天府學生員通五經能
詩尤善畫華亭董尚書其昌異之謂非近代所
有子忠益自重有以金帛請者槩不應也李自
成陷京師子忠出奔鬱鬱不自得會人有觸其
意者走入土室中匿不出遂餓而死蔣一揆長
安客話象房在宣武門西城牆北每歲六
月初伏用旂鼓迎象出宣武門濠內洗濯

嗚呼顧陸不可作世間景物都蕭索雲臺冠劍半無存

維摩寺壁全凋落開元名手空想像昭陵御馬通泉雀

此段見名畫之久缺也反振題意○南史何戡傳吳郡
陸探微顧彥先皆能畫張如哉曰蘇詩顧陸丹青自注
顧愷之字長康無錫人陸探微吳人又引謝赫論江左
畫顧長康陸探微皆為上品此詩用蘇注禮死者如可
作也吾誰與歸王臺卿詩景物共依遲雲臺見又
咏古温飛卿詩去時冠劍是丁年唐瓦官寺維摩詰
畫像碑瓦官寺變相乃晉虎頭將軍顧愷之所畫漢書
敘傳彫落洪支開元唐元宗年號北史崔季舒傳遂
為名手想像見西田詩昭陵見觀通天帖唐會要高
宗欲闡揚先帝徽烈乃刻石為常所乘破敵馬六匹於
昭陵闕下柱有通泉縣署壁後薛少保畫鶴詩各畫錄
今秘書省有薛稷畫鶴時號一絕一統志通泉廢縣在
潼川府射

洪縣東南

燕山崔生何好奇書

畫不肯求人知仙靈雲

氣追恍惚宓妃維女乘龍螭平生得意圖洗象興來掃

筆開屏障赤罽如披洱海裝白牙似立含元仗

前四句
點出青

蚺後四句點出洗象圖○燕山見送龔孝升崔生出北

史崔亮傳程詩岑參兄弟皆好奇崔佐公詩西戶圖

雲氣龕室畫仙靈老子恍兮惚兮其下有物王叔師

楚辭汪處如神女蓋伊洛之水精楚龍駕兩龍兮驂螭

得意見行路難孟詩清曉因興來程詩筆陣獨掃

千人軍又始覺屏障生光輝爾雅釋詁駘巖也疏巖

者織毛為之天清一統志西洱河在大理府太和

縣東一日洱海一日西洱海別見贈蒼雪南越志象

牙長丈餘脫其牙則深藏之李遐叔有含元殿賦唐書

李林甫傳君獨不見立仗馬乎終日無聲而飲三品芻

豆豆當時駕幸承天門鸞旗日月陳金根鷄鳴鐘動雙闕

下巋然不動如崑崙崔生布衣懷紙筆道衝騶哄金吾

卒仰見天街馴象來歸去沉吟思十日眼前突兀加摩

挈非山非屋非坡陀昔聞阿難騎香象梅檀林內頻經

過我之此圖無乃是貝多羅樹此段見青蚓慘金沙河次經營意在筆

先也○明史輿服志正南曰承天門明憲宗實錄成化

元年三月命工部尚書白圭董造承天門鸞旂字本

魯頌穆天子傳日月之旂七星之後漢書輿服志注

始皇作金根之車梁書何胤傳欲樹雙闕世傳晉室

欲立闕王丞相指牛頭山云此天闕也莊子巋然有

餘崑崙見龍腹竹歌後漢書董祀妻傳乞給紙筆

騶哄見送何省齋金吾見行路難天街見青門曲漢

書武帝紀南越獻馴象能言鳥沉吟見送何省齋枉

詩十日畫一山五日畫一石笑兀見臨江參軍摩挲

見行路難更記司馬相如傳登陂陀之長坂兮接眼

前二句即東坡執筆熟視乃見其所欲畫者急起從之

振筆直遂以追其所見之意山屋陂陀皆以比象之大

阿難見讚佛詩丙典譬兔馬象三獸渡河惟大香象

徹底截流梅檀見讚佛詩晉書穆帝紀升平元年扶

南天竺旃檀獻馴象庾詩漢使絕經過杜詩今之畫

圖無乃是貝多羅樹見贈蒼雪注元史鄭鼎傳至金

沙河波濤涵湧

十丈黃塵向天闕霜天夜踏宮墻月芻豆支來

三品料鞭梢趨就千官謁材大寧堪世人用徒使低頭

受羈絆

此段寫所圖之象而作圖者身分亦出○楊炯

芻豆

三品料見前又五代史北漢世家劉旻高平戰

敗獨乘契丹黃驢間道馳去歸為黃驢治廐飾以金玉

食以三品料陸務觀詩畫橋飛絮逐鞭梢漢書嚴助

傳人徒之衆足以供千官之奉材大見贈家待御

低頭見讀史雜詩左傳僖二十四

年臣負羈縲注羈馬羈縲馬縲京師風俗看洗象玉

河春水涓流潔赤脚烏蠻縛雙帚六街士女車填咽叩

鼻殷成北闕雷怒蹄捲起西山雪圖成懸在長安市道

旁觀者呼奇絕性癖難供勢要求價高一任名豪奪

此段

實寫洗象圖自承天門句至此皆言洗象之盛亦作圖者之盛也○大清一統志玉河源出宛平縣玉泉

山元時曰金水河張如哉曰涓流用泉涓涓而始流元史祭祀志殊非涓潔之道韓詩一婢赤脚老無齒劉

伯温詩僅有赤脚奴唐書南蠻傳白獼鹿升麻二川南至步頭謂之東爨烏蠻縛帚見磐清湖六街見送沈

釋堂士女見閩州行梁書陶宏景傳車馬填咽本草集解象鼻甚深可以開合食物飲水皆以鼻捲入口公

羊傳其用之社奈何益叩其鼻以血社也此借用詩殷其雷柳子厚三戒驢不勝怒蹄之此借用蘇詞驚濤

拍岸捲起千堆雪西山見贈家侍御後漢書韓康傳常採藥名山賣於長安市奇絕見琵琶行杜詩為

人性癖耽佳句韓詩勢要情所重又少室山人索價高名豪見茸城行史記蕭相國世家無為勢家所尊

十餘年來人事變碧鷄金馬爭傳箭越人善象教象兵

扶南身毒來酣戰惜哉崔生不復見畫圖未得開生面

若使從軍使趙佗蒼梧城下看如練更作昆明象戰圖

止須一疋鷺溪絹此段就象而曲折旁通言之非泛作感愴○鹿虔展詞烟月不知人事改

漢書王褒傳方士言益州有金馬碧鷄之寶可祭祀致也楊升菴雲南山川志金馬山在雲南府城東二十

五里碧鷄山在西南三十里傳箭見遇南廂園叟晉

書南蠻傳扶南西去林邑三千餘里空海大灣中唐書

扶南傳王出乘象史記大宛傳身毒在大夏東南可數

千里其人民乘象以戰一統志榜葛在西海中即漢時

身毒國杜詩英姿颯爽來酣戰又將軍下筆開生面

從軍見行路難史記尉佗傳南越王尉佗者真定人

也姓趙氏一統志廣西梧州府蒼梧縣附郭大江自

潯州府平南縣流經藤縣北又東經梧州府城西南隅

與桂江合謝元暉詩澄江淨如練昆明見贈蒼雪

杜詩我有一疋好束絹鷺溪絹見清風使節圖嗟

嗟崔牛餓死長安陌亂離荒草埋殘骨一生心力赴兵

火此卷猶存堪愛惜君不見武宗供奉徐髯仙豹房夜

直從游畋青熊蒼兕寫奇特至尊催賜黃金錢只今零

落同雲烟古來畫家致身或將相丹青慘澹誰千年此

尙論青蚬仍不脫圖象意自金馬碧鷄至此見象非昔

而作圖者亦非昔也○杜詩統袴不餓死荒草見東

萊行蔡文姬胡笳十八拍死當埋骨兮長已矣心力

見汲古閣歌兵火見遇南廂園叟杜詩樹木猶爲

人愛惜明史武宗紀諱厚照供奉見王郎曲松江府

志徐霖字子仁自號九峯道人或呼爲髯仙明武宗

實錄正德二年八月蓋造豹房公解前後廳房并左右

廂歇房上朝夕處此不復入大內矣七年添修豹房屋

二百餘間費銀二十四萬餘兩畫文王不敢盤于游畋

汲冢思書成王時不屠國獻青熊史記齊世家尙父

誓師曰蒼兕蒼兕總爾衆庶朱子詩偉哉奇特觀至

尊賜金見九友歌子瞻寶繪堂紀譬之烟畫之過眼

百鳥之感耳宣和畫譜李思訓唐宗室也妙極丹青
官至左武衛大將軍其子昭道同時於此亦不凡故人
云大李將軍小李將軍者大謂思訓小謂昭道也唐書
閣立本傳戒其子曰吾少讀書又辭不減儕輩今獨以
畫見名若曹慎母習既輔政時姜恪以戰功擢左相故
時人有左相宣威沙漠右相馳譽丹青之嘲慘澹見

湖
碧清

尤展成詠明史樂府徐髯仙一首自注徐霖在金陵
築快園極遊觀聲伎之樂武宗南巡臧賢薦入行宮
應制詞曲扈從還京宿御榻前授官固辭按此事情
史不載而尤注亦不言其善畫也扈從御榻前故云
夜直然臧賢伶人也霖由賢進則供奉賜金反不如
猷死之潔故青熊蒼兕之零落不如洗象圖之堪愛
惜也然不獨髯仙為然即由畫而致將相者
亦誰能千年常存乎是極力歸重崔生處

松山哀

二月我御撰通鑑綱目三編崇禎十五年春
大清兵克松山洪承疇降遂

下錦州

大清一統志

松山在錦州府錦縣

南十八里舊松山所城在

其西明史曹變蛟傳

崇禎十三年五月錦州告

急從洪總督承疇出

關十四年三月凡八大將

兵十三萬馬四萬並

駐寧遠承疇主持重而朝

議以兵多餉艱職方

郎張若麒趣職承疇念祖

大壽被圍久乃議急

救錦州七月二十八日諸

軍次松山營西北岡

數戰圍不解承疇命變蛟

營松山之北乳峯山

之西兩山間列七營環以

長壕俄聞我

太宗文皇帝親臨督陣諸

將大懼及出戰連敗

餉道又絕自杏山迤南沿

海東至塔山爲

大清兵邀擊溺海死者無

算變蛟王庭臣聞敗

馳至松山與承疇固守吳

三桂王樸奔據杏山

越數日欲走還寧遠至高

橋遇伏大敗僅以身

免先後喪士卒凡五萬三

千七百餘人自是錦

州圍益急而松山亦被圍

應援俱絕矣明年二

月副將夏成德爲內應松

山遂破承疇變蛟廷

臣及巡撫邱民仰故總兵

祖大樂兵備道張斗

姚恭王之顏副將江翥饒勲朱文德叅將以下
百餘人皆被執見殺獨承疇與大樂獲免三月
大壽遂以錦州降杏山塔山連失京師大震八
旗通志洪承疇漢軍鑲黃旗人世居福建漳州
府初仕明累官至經畧討流寇有功崇德六年
率兵十三萬來援錦州聞
親征遂回松山固守我兵四路追逐殺五萬餘
入七年二月肅郡王豪格等圍困松山城明松
山副將夏成德密遣子約降為內應十八日夜
我兵以雲梯於夏成德所守處登城遂克之城
中文武各官俱被擒

特諭洪承疇及總

兵祖大樂隸旗籍順治二年以大學士總督軍
務招撫江南各省地方生擒金聲並偽官四員
斬於軍前福建偽閣部黃道周兵寇徽州遣張
天祿大破之三年再敗之斬道周十年出為湖
廣等處五省經畧疏陳全楚情形往來長沙四
應調度十五年克取貴州十六年三月我兵追
勦偽桂王破騰越州至南甸從三宣六慰路遁

去十八年追敘前功授三等阿達哈哈番世職
康熙四年病卒謚文襄杭州府志洪承疇字亨
九福建

南安人

拔劍倚柱悲無端為君慷慨歌松山盧龍蜿蜒東走欲

入海屹然撐拄當雄關連城列障去不息茲山突兀烟

峯攢中有壘石之軍盤白骨穿距凌噴岫十三萬兵同

日死渾河流血增奔湍

從松山直起點明戰壘○史記
刺客傳拔劍劔長操其室刺自

知事不就倚柱而笑又田單傳如環之無端又項羽

紀乃悲歌恍惚

大清一統志崇德六年

太

宗親率大兵取松山城

又永平府盧龍縣附郭渤海

在府南一百六十里歷山海關接寧遠州界張平子七

辨螭虹蜿蜒季詩黃河落天走東海正字通屹山獨

立壯武貌字典搯亦作枝拄亦通作柱季義山衛公集

序天井雄關金橋故地史記王父偃傳今諸侯或連

城數十漢書西域傳干是漢列亭障至玉門矣王詩行

人去不息突兀見臨江叅軍駱賓王詩攢峯銜宿霧

漢書韓安國傳壘石為城撐距見雁門尚書行正

字通榜榜裳定音義同宋玉高唐賦盤岸噴峴

天清一統志豫郡王多鐸太祖高皇帝第十五

子明洪承疇率十三萬眾來援錦州敗走王設伏以待

明兵殲焉杜詩四萬義軍同日死大清一統志渾

河源出長嶺子納綠窩集日納綠河西流入英豈無遭

額邊門會噶桑阿河為渾河杜詩洶洶開奔湍

際異變化須臾問出身憂勞致將相征蠻建節重登壇

還憶往時舊部曲喟然歎息摧心肝就承疇意中寫出

憂勞二字蘊藉之甚司馬仲達詩遭遇際會鮑詩念

此死生變化非常理禰正平鸚鵡賦臣出身而事主

更記魯世家三王之憂勞天下久矣鄭守思詩漢庭

無事不征蠻史記司馬相如傳乃拜相如為中郎將建

節往使登壇見送杜岑武馬孝升曰承疇松山之敗中
朝風聞盡節卹典倘加謚襄烈乃被擒日久遂降以太
傅大學士從龍入關先經畧東南五省繼經畧西南五
省卒蓋文襄張平子西京賦結剖曲元次山有喻舊
剖曲詩嘆息見行路難其
六歐陽堅詩痛哭摧心肝

氣軍聲振寥廓一旦功成盡入關錦裘跨馬征夫樂天

山回首長蓬蒿烟火蕭條少畊作廢壘斜陽不見人獨

留萬鬼墳寂寞若使山川如此閒不知何事爭強弱此

是哀字正面乃作者意中語○天清一統志漢時

所置遼東樂浪元菟三郡多屬今奉天府治之東南及

朝鮮界內地琴參詩輪臺城頭夜吹角禮月令仲秋

之月殺氣浸盛軍聲出唐書李愬傳寥廓見哭志衍

老子功成而不居入關見下相懷古唐書李晟傳每

與賊戰必錦裘繡帽白表後漢書公孫述傳跨馬陷敵

所向輒平征夫見龍腹竹歌天清一統志天山在

哈密城北一百二十餘里一名白山自哈密東北境綿

亘而西經舊土魯番又西入準噶爾界殆三千餘里又

西南與葱嶺相接蓬蒿見雁門尚書行烟火見礬清

湖序蕭條見遇南廂園叟更記越世家身自耕作廢

壘見遇南廂園叟韓致光詩處處斜陽草似苔論衡

滄海之中有度朔之山上有大桃木其屈蟠三千里其

枝間東北曰鬼門萬鬼所出入也按吳都賦注作度索

琴籟野寂聞道朝廷念舊京詔書招募起春耕兩河

莫其無人

少壯丁男盡三輔流移故土輕牛背農夫分部送鷄鳴

關吏點行頻早知今日勞生聚可惜中原耕戰人此段是哀

字餘波後漢書杜篤傳篤以闕中表裏山河先帝舊

京詔書見遇南廂園叟後漢書光武紀招募猛士

兩河見避亂蔡文姬胡笳十八拍俗賤老弱兮少壯為

美漢書主父偃傳發天下丁男以守北河三輔見退

谷歌後漢書東夷傳流移至澶州者所在絕遠故土見
行路難溫飛卿詩牛背夕陽多晉書劉元海載記魏
武分其衆爲五部鮑詩雞鳴關吏起點行見馬草行
左傳哀元年越十年生聚而十年教訓蘇子由詩

自古習耕戰

按程迓亭盤悅卮談謂松山哀之悲祖大壽然詳玩
詩意蓋哀戰士也而責承疇之意在其中豈無遭際
異變化須臾間自其初降而言之出身憂勞致將相
征蠻建節重登壇則爲大學士以後之事也大壽未
躋揆席不得云將相况有憶舊部曲歎息摧心之語
十三萬人豈皆大壽之部曲乎大壽當袁崇煥下獄
擁潰卒叛賴孫承宗挽回之而詩中無一語道及則
其不主于大壽明矣承疇遭際變化功成入關明人
謂其已死有十六壇之祭則不待建節登壇而已有
負於部曲死事之人以歎息摧心歸之承疇蓋詩人
忠厚之旨也至云錦裘跨馬征夫樂則正與歎息對
照真斧鉞之筆矣早知今日勞生聚可惜中原耕戰

人其責承疇也婉而切而大壽豈足以當之與按

明史孫承宗傳崇禎四年十月城中糧盡援絕守將

祖大壽力屈出降而曹變蛟傳敘大壽之降在崇禎

十五年三月恭讀御撰資治通鑑綱目三編崇

禎四年秋八月我大清兵圍大凌城至冬大凌

城糧盡援絕大壽殺副將何可剛借諸將降言妻子

在錦州請歸設計誘降守者遂縱歸崇禎十五年春

二月我大清兵克松山洪承疇降遂下錦州祖

大壽以錦州降是四年降於大凌城十五年降於錦

州雖陳新甲傳內有大壽請以車營過勿輕戰之語

然反覆屢降其爲人可知而詩人顧爲之哀無是理

也况崇禎二年大壽擁五萬人東潰遂奔錦州莊烈

果於用刑袁崇煥陳新甲之徒咸死西市而大壽潰

而奔不以叛逆誅降而歸不以失節誅莊烈於是乎

失刑矣大壽之罪浮於賀人龍毛

文龍而生死各異明之亡宜哉

張素存松山詩古戍春深曉飛霰馬首雲低擁征傳

松杏山經百戰餘舊聞歷歷眼中見坡坨隱伏雉堞

下

頽層巒坂地何崔嵬彎弓帶甲十三萬曾此空穹委
塵埃紅羅山頭歸路絕青海障處戰流血角聲入雲
錦水枯湘纍迎降氣鳴咽脫囚釋縛居上筵豐貂翠
幕鵲印懸南冠稽首紛兩泣効死誓日旌門前開天
神武渺衆慮四海英雄歸駕馭袞袞將相圖丹青奕
奕驂駟競騫翥于今亭埃生蓬蒿平蕪沙軟狐兔孺
往事浸尋四十載共驅耕犢來春樵想像山城仗黃
鉞虎帳經營幾歲月萬年形勝收雄關千里邊雲撫
溟渤朝陵兩度輦路平百靈跂翼隨
行旌經過鐵馬金戈地時作瀟瀟風雨聲

臨淮老妓行

天清一統志淮安府漢屬臨淮郡孫仲衍有老妓行尤展成宮闈小

名錄冬見劉東平歌伎吳梅村作臨淮老妓行

袁才子曰冬兒與陳圓圓同爲田宏遇所畜伎

後歸劉澤清陳其年婦人集臨淮老妓某戚吮

府中淨持也後爲東平侯文教師甲申京都失

守欲偵雨宮音息而賊騎充斥麾下將無一肯

行伎奮然曰身給事戚吮邸中久宜往遂易鞋

幹持七首間閱數下里穿賊壘而還明史劉澤
清曹縣人福王立以為東平伯駐廬州順治二
年二月揚州告急命澤清等往援而澤清已潛
謀輸款矣大清惡其反覆磔誅之又史可
法傳東平伯劉澤清轄淮海駐淮北王貽上香
祖筆記澤清字崔淵馬孝升曰澤清聞大
兵至即棄淮安裝金玉子女避廟灣為航海計
因所領兵漸散復至淮安投誠舉家入京後正
法

臨淮將軍擅開府不鬪身強鬪歌舞白骨何如棄戰場

毒娥已自成灰土老大猶存一妓師柘枝記得開元譜

纔轉輕鞍便淚流尊前訴出漂零苦前四句是臨淮後四句是老妓乃跋

題也尊前句領起通篇以下俱是老妓口中語○張如
哉曰唐李光弼出鎮臨淮逢封臨淮郡王詩目劉為臨

淮將軍正以反借刺之如茸城行之此亦當今馬伏波也晉書職官志魏黃權以車騎將軍開府儀同三司開

府之名起於此也杜詩客子鬪身強白骨見閬州

行戰場見蟋蟀盆歌張正言詩紅粉青娥映楚雲曹

孟德樂府終為士灰白詩老大嫁作商人婦妓師出

沈約傳詳見下唐樂史有柘枝譜唐書韋述傳更撰

開元譜二十篇轉喉見王郎曲妾是劉家舊王

仲文詩相憶緣尊前漂零見遇劉雪筋

謳冬兒小字唱梁州翻新水調教桃葉撥定鷓鴣弦授莫

愁武安當日誇聲伎秋娘絕藝傾時世戚里迎歸金犢

車後來轉入臨淮第八句是老妓履歷○史記外戚世

平陽王平陽公主也王字屬土此云王謳者張如鼓曰

泰曠歌引泰孃本韋尚書家主謳者臨間鼓吹段和

尚善琵琶自製西梁州崑崙求之不與至是以樂之半

贈之乃傳焉今曲調梁州是也新翻見鴛湖曲水調

見琵琶行桃葉見贈馮訥生詳玉京墓 鷓絃見琵琶

行樂府解題石城有女子名莫愁善歌謠 武安見承

和宮詞聲伎見贈文園公 秋娘見楚兩生行絕藝見
王郎曲白詩時世粧時世粧出自城中傳四方 咸里

見青門曲溫飛卿詩 臨淮游俠起山東帳下銀箏小隊
油壁車輕金犢肥

紅巧笑射棚分畫的 棚應 濃粧毬仗簇花叢縱為房老
作棚

腰肢在若論軍容粉黛工羊侃侍兒能走馬李波小妹

解轡弓 八句言臨淮之盛所謂不鬪身強鬪歌舞也
史記有游俠傳 大清一統志曹縣在山東

曹州府東南一百里 帳下見臨江黎軍南史何承天

傳承天素好奕碁又善彈箏文帝賜以局子及銀裝箏
杜詩元戎小隊出郊坰 南史齊高祖紀蒼梧王立帝
於室內畫腹為射的引滿將射之左右諫曰領軍腹大

是佳射棚張道濟詩雕弧月半上畫的暈重規 又花
裏濃粧伴麗人宋史儀衛志毬仗金塗銀裏以供奉官

騎執之百詩將軍挂毬仗看按柘枝來謝宣遠詩密苑
 解華叢鈔小志石崇愛婢翔風年三十遂退之使為
 房老李義山詩空城舞罷腰支在禮軍容不入國
 容不入軍楚辭粉白黛黑蔡九達詩山猶妬黛工羊
 侃見茸城行按侍兒字出史記袁盎傳魏書李安世
 傳廣平人李波宗族彊盛殘掠生民百姓為之語曰李
 波小妹字雍容褰裙逐馬如卷蓬左射右射
 必壘雙賈誼過秦論士不敢彎弓而報怨錦帶輕衫

嬌結束城南挾彈貪馳逐忽聞京闕起黃塵殺氣奔騰
 滿川陸探騎誰能到薊門空閒千里追風足消息無憑
 訪兩宮兒家出入金張屋請為將軍走故都一鞭夜渡

黃河宿暗穿敵壘過侯家妓堂仍訝調絲竹祿山裨將

帶弓刀醉擁如花念奴曲倉卒逢人問二王武安妻子

可哭熏天貴勢倚椒房

熏集作薰

不為君王收骨肉

此段言冬

命偵兩害消息也妓堂念奴不脫鬪歌舞意○鮑

詩錦帶佩吳鈎百詩輕衫細馬春年少結東見王郎曲

城南見琵琶行戰國策左挾彈右攝丸馳逐見螺蚌

盆歌沈休文詩遙眺想京闕黃塵見沈象圖殺氣

見松山哀何仲言詩激瀨視奔騰川陸見閬州行張

文昌詩軍中探騎暮出城古樂府有出自薊北門行按

薊門烟樹為京師八景之一在德勝門外古今注始

皇七馬一日追風驃明史流賊傳始賊欲偵京師虛實

往往陰遣人輦重貨賈販都市又令充剏院諸掾吏探

刺機密朝廷有謀議數千里立馳報及抵昌平兵部發

騎探賊賊輒勾之降無一還者賊游騎至平則門京師

猶不知也兩宮見遇劉雪舫薛維翰詩兒家門戶

重重閉金張見行路難離騷又何懷乎故都高賓

王詩一鞭花陌曉禾蘭詩朝辭耶孃去暮宿黃河邊

漢書衛青傳為侯家騎從自詩溪繞妓堂迴又緩歌

漫舞凝絲竹唐書逆臣傳安祿山營州柳城胡也張

...

守其拔為偏將裨將出漢書項籍傳弓刀見避亂白

詩洛陽多少如花女元詩力士傳呼覓念奴念奴潛伴

諸郎宿倉卒見讀西臺記二王武安見永和宮詞

陸士衡演連珠虐暑熏天杜詩不得收骨肉馬孝升

尚伊妻子之罪尤可怪者周奎之于慈琅耳翻身歸

去遇南兵退駐淮陰正拔營寶劍幾曾求死士明珠還

欲致傾城男兒作健酣杯酒女子無愁發曼聲此段言冬兒歸

後澤清仍然不鬪身強鬪歌舞也○杜詩翻身向天仰

射雲一統志淮陰故城在淮安府清河縣東南秦縣

也淮陽故城在淮安府清河縣西南晉縣也集韻晉俗

謂平地除壘曰拔援詩意當用此非拔營遁也精華錄

訓纂澤清與淮撫田仰日肆歡飲大兵南下有問

其如何禦者澤清曰吾擁立福王而來以此供我休息

萬一有事吾自擇江南一郡去耳八月澤清大興土木

造宅淮安極兵壯麗四時之室俱備僭擬皇居休卒淮

上無意北征〔陳伯玉詩〕寶劍千金買平生未許人死

士見雁門尙書行〔喬知之詩〕明珠十斛買娉婷傾城

見永和宮詞〔男兒作健見哭志〕衍漢書灌夫傳爭杯

酒不足引他過誅也〔北齊幼主傳〕爲無愁之曲曼聲

見王郎曲可憐西風怒吹折山陽樹將軍自撤沿淮戍不惜

黃金購海師西施一舸東南避鬱洲崩浪大於山張帆

捩柁無歸處重來海口豎降幡全家北過長淮去長淮

一去幾時還誤作王侯邸第看收者到門停奏伎蕭條

西市嘆南冠此段言東平反覆被誅之事西施一舸不

夜狂風度吹折江頭樹〔一統志〕淮安府山陽縣附郭

宋史魏勝傳以議和撤海州戍〔按〕海師字出南史朱

修之傳西施一舸注見卷清湖魏志剛原傳將家

屬入海居鬱洲山中〔方輿紀要〕鬱洲山在海州東北十

九里海中有大洲周圍數百里謂之鬱洲亦曰郁州山

海經所謂郁州在海中者也晉隆安五年孫恩襲建康

不克浮海北走郁州季詩白浪如山那可渡又張帆

當濟川坂枕見二十五日詩一統志自海州入淮安

府安東縣東為淮水會黃入海之口淮南水利考山陽

縣廟灣海口在縣東北一百八十里降幡見楚兩生行

蘇詞波聲拍枕長淮曉幾時還見鐵獅歌漢書

燕王劉澤傳臣觀諸侯邸第百餘晉書石崇傳崇正

宴于樓上介士到門及車載詣東市崇乃嘆曰奴輩利

吾家財收者答曰知財致害何不早散之宋書蔡興宗

傳常言收已在門不保俄頃按使得奏薄技出漢書司

馬遷傳然詩意似用魏畧魏武醉輒向帳作伎之類耳

唐書張亮傳斬西市籍其家南冠見琵琶行老婦今年頭總白淒涼閱盡興

亡迹已見秋槐隕改宮又看春草生南陌依然絲管對

東風坐中尚識當時客金谷田園化作塵綠珠子弟更

東風坐中尚識當時客金谷田園化作塵綠珠子弟更

無人楚州月落清江冷長笛聲聲欲斷魂

此段歸到老妓身上層次

咏嘆足詠出漂零之意○戰國策老婦不能秋槐見

永和宮詞故宮見雒陽行楚辭春草生兮萋萋梁武

帝詩十四採桑南陌頭杜詩錦城絲管日紛紛梁

書沈約傳嘗侍讌有妓師是齊文惠宮人帝問識坐中

客不曰惟識沈家令約伏座流涕綠珠傳石崇有別

廬在河南金谷澗中歸去來辭田園將蕪胡不歸白詩

歲久化為塵綠珠傳綠珠有弟子朱韓有國色善吹

笛後入晉明帝宮中張承吉詩月明南內更無人

統志淮安府隋開皇元年改郡為淮陰立楚州清江浦

在山陽縣西北三十里趙承祐詩長笛一聲人倚樓

宋延清詩看

山欲斷魂

此詩以尊前詠出漂零苦為眉目而以不鬪身強鬪

歌舞為主腦左榮右拂層層入妙張素存過金陵某

將軍營六囊雙旌隱畫屏月明霜白路人稀燕歸

不識將軍壘猶認烏衣舊宅飛想亦東平之流也

殿上行

宋史高宗紀令館職侍立殿上按此詩為黃石齋而作明史黃道周傳字幼平漳浦

人崇禎十一年六月廷推閣臣道周已充日講

官遷少詹事得與名帝不用用楊嗣昌等五人

道周乃草三疏一劾嗣昌一劾陳新甲一劾遼

撫方一藻七月五日召內閣及諸大臣於平臺

并及道周是時帝憂兵事謂可屬大事者惟嗣

昌破格用之道周守經失帝意及奏對又不遜

帝怒甚欲加以重罪憚其名高未敢決嗣昌懼

論已者將無已時也亟購人劾道周者貶道周

六秩為江西

按察司照磨

殿上雲旗天半出夾陛無聲手攀直有旨傳呼召集賢

左右公卿少顏色公卿繇來畏廷議上殿叩頭輒心悸

吾邱發策詘平津未斥齊人慚汲尉先生侍從垂金魚

退直且上庖西書况今慷慨復違惜不爾何以乘朝車

起四句點明殿上公卿四句用反襯法先生四句歸到石齋而以初入翰林時襯出爲大僚時也○司馬長卿

上林賦拖霓旌靡雲旗儲光義詩初日照龍闕峩峩在天半漢書叔孫通傳先平明謁者治禮引以次入殿

門廷中陳車騎戍卒衛官設兵張旗志傳曰趨殿下郎中夾陛陛數百人師古曰志同幟漢書朱雲傳御史將

雲下雲攀殿檻檻折及後當治檻上曰勿易因而輯之以旌直臣傳呼見東萊行集賢見汲古閣歌然此詩

用唐事唐書百官志明皇嘗選耆儒日一人侍讀以質史籍疑義置集賢殿侍講學士侍讀直學士杜詩凌

烟功臣少顏色後漢書桓榮傳論張佚廷議戚援明史萬安傳安遂頓首呼萬歲欲出彭時請輅不得已

皆叩頭退心悸見送何省齋漢書吾邱壽王傳丞相公孫宏奏言民不得挾弓弩上下其議壽王對以爲無

益於禁姦而廢先王之典大不便上以難丞相宏誦服焉又公孫宏傳上乃使朱瑱臣等難宏置朔方之便

發十策宏不得一又封丞相宏爲平津侯
詩宏曰齊人多詐而無情始爲與臣等建此議今皆背
之不忠又汲黯傳上聞召爲主爵都尉侍從見東萊
行韓詩玉帶懸金魚按退直猶下直也明史解縉傳
舉進士授中書庶吉士一日帝在大庖西室諭縉朕與
爾義則君臣恩猶父子當知無不言縉卽日上封事萬
言慷慨見哭志衍呂氏春秋管仲至齊境桓公使
人以朝車迎之後漢書來歷傳大臣乘朝車處國事固
復輾轉秦涼盜賊雜風雨梁宋邱墟長沮洳降人數部
若此乎花門留抽騎千人桂林戍至尊宵肝誰分憂挾彈求鳳

高墉謀老臣自詣都詔獄逐客新辭鳩鵲樓先生翻然

氣填臆口讀彈文叱安石期門將軍鬚戟張側足聞之

退股票

此段直陳時事是石齋意口中語乃殿上之
正商也期門將軍與起處相應○晉書馬隆傳

若從諸卿言是無秦涼也如風雨見壽龔芝麓一邱墟
見迺南廂園叟沮如見塗松晚發杜有留花門詩唐

書地理志居延海又北三百里有花門山堡又東北千
里至回紇牙帳左太冲吳都賦數軍實於桂林之苑

劉逵注吳有桂林苑也宵旰見永和宮詞晉書宣帝
紀此非以為榮乃分憂耳挾彈見老妓行淮南子削

薄其德曾累其行而欲以為治無以異於執彈而求烏
捩稅而狎犬也易公用射隼於高墉之上老臣見雕

橋莊歌明史職官志錦衣衛掌侍衛緝捕刑獄之事洪
武二十年以治錦衣衛者多非法凌虐乃焚刑具罷錦

衣獄成祖時復置尋增北鎮撫司專治詔獄史記李
斯傳為客者逐又司馬相如傳過鳩鵲望露寒徐廣曰

鳩音支甘泉宮左右觀名也王仲宣登樓賦氣交憤
於胸臆北史李彪傳近見彈文殊乖所以宋史唐垆

傳摺笏展疏曰安石曰王安石近御坐聽劄子大聲宣
讀凡六十條漢書東方朔傳建元三年始微行與侍

中長侍武騎及待詔隴西北地良家子能騎射者期諸
殿門故有期門之號又百官表期門平帝更名虎賁郎

鬚如戟見蟋蟀盆歌北史景穆十二王傳任城王孫順鬚鬢俱張南史郭祖深傳遠近側足股栗見蟋蟀盆

歌
吾聞孝宗宰執何其賢劉公大夏戴公珊夾城日移

對便殿造膝密語為艱難如今公卿習唯唯長跪不言

而已矣黃絲歷亂朱絲直秋蟲踟曲秋雕起嗚呼拾遺

指佞乃史臣優容愚慝天王仁此段又用旁視法劉戴是正視公卿是反視又

前以大紳為比此以劉戴相擬有無心映合之妙而長

跪不言與上殿叩頭亦相應也然正視反視皆引起末

二句意史臣句收完侍從金魚優容句既與孝宗宰執

作對照又與起四句相闕合也立言有體○明史孝宗

紀諱祐禋憲宗第三子也唐書張九齡傳宰執每薦公卿杜詩用舍何其賢明史劉大夏傳字時雍華容人宏治十五年拜兵部尚書又戴珊傳字廷珍浮梁人召為左都御史帝晚年召對大臣珊與大夏造膝宴見尤

數 [李景文東山草堂歌] 九重移榻數召見夾城日高
未下殿英謀密語人不知左右微聞至尊羨唐書柳公
權傳常與大學士對便殿 [風俗通禮諫有五諷爲上
故入則造膝出則詭辭] [戰國策范雎曰唯唯] [古詩]
長跪問故夫 [鮑詩] 黃絲歷亂不可治 [又] 直如朱絲繩
[杜詩] 秋蟲聲不去 [玉篇] 踈踈不伸也 [張喬詩] 教獵秋
鷗掠草輕 拾遺見東萊行 [論衡] 太平之時屈軼生于
庭之末若草之狀主指居人 [漢書蓋寬饒傳] 上以其
儒者優容之 [史記汲黯傳] 甚矣汲黯之戇也 [索隱] 戇愚
也 [春秋] 隱公七年天王使凡伯來聘 [史記孝文紀] 所謂
乃天子者

按此詩以

御撰資治通鑑三編及明史考之綱

目崇禎十年冬十月李自成犯四川自成窺蜀中空
虛乘間陷寧羌破七盤關分三道入蜀而關隸延綏
人所謂秦京盜賊雜風雨也十年山東河南蝗十一
年兩畿山東河南大旱蝗所謂梁宋邱墟長沮洳也
十一年夏四月張獻忠僞降總理軍務熊文燦受之

良玉知其詐請急擊之文燦不聽所謂降人數部花
門留也明史楊嗣昌傳流賊既大熾嗣昌復陰至互
市兵以分防不能常聚故有抽練之議抽練而其餘
遂不問且抽練仍虛文邊防愈益弱所謂抽騎千人
桂林成也文選吳都賦注吳有桂林苑則非廣西桂
林矣至尊二句蓋指嗣昌主撫奪情之事嗣昌傳十
一年三月帝御經筵畢嗣昌奏對有善戰服上刑等
語帝怫然詰之曰小醜跳梁不能仲大司馬九伐之
法奈何爲是言嗣昌慚嗣昌旣以奪情入政府又奪
情起陳新甲總督而道周傳其劾嗣昌謂天下無無
父之子衛開方不省其親管仲至比之猿狗李定不
喪繼母宋世皆指爲人梟今遂有不持兩服坐司馬
堂如楊嗣昌者老臣二句蓋指鄭三俊下獄劉同升
等謫外之事道周傳十一年二月帝御經筵刑部尚
書鄭三俊方下吏講官黃景助救之帝未許而帝適
追論舊講官姚希孟道周馳未審謂帝將竟三俊念
希孟也因言天下士生如三俊歿如希孟求其影似
未可多得帝以所對失寔貴令回奏嗣昌傳給事中

柯楷錢增御史林蘭友相繼論列帝不問六月改禮
部尚書兼東閣大學士入參機務仍掌兵部事于是
措蘭友及道周抗疏詆斥修撰劉同升編修趙士春
繼之帝怒並鐫三級留翰林刑部主事張若麒上疏
醜詆道周遂鐫道周六級并同升士春皆謫外所謂
老臣自詣都詔獄逐客新辭鳩鵲樓也至先生侍從
二語益指崇禎二年道周以右中允三疏救故相錢
龍錫降調五年方侯補邁疾上疏語皆刺大學士周
延儒溫體仁斥爲民九年召復故官進諭德掌司經
局事有二罪四耻七不如疏皆詳本傳而平臺召對
時帝問道周曰疏適當廷推不用時果無所爲
乎對曰先時猶可不言至簡用後不言更無當言之
日正與詩中况今慷慨復遑惜不爾何以乘朝車相
爲印證惟是秦涼賊等語明史于石齋劾嗣昌疏
中不具載或史傳敘疏有所刪節亦未可知然詳味
詩意秦涼等語是指當時時勢先生翻然四句方實
敘劾疏及召對之事耳或問旣爲石齋作而題內
不著其姓字何也曰梅村集刻于我大清定鼎

以後且已自

天朝而瞿黃數輩皆艱難海表

為

大兵所誅故後東臯草堂歌不書為瞿起田

作殿上行不書為黃石齋作其意一也且後東臯草

堂歌之中丞是止紀其巡撫廣西殿上行之侍從史

官是止紀其由庶常歷少詹而于瞿黃所受諸王官

爵皆不書于詩史之中有慎言其餘之意讀者尙論

其世可以諒吳之苦心矣 按石齋與劉念臺齊名

而集中止及石齋者梅村與臨江叅軍嘗從石齋受

易故言之綦詳少陵八哀詩有臨淮而無汾陽不致

疑于詩史也 馬孝升謂此詩指梅村同年楊鳧岫

官日講對仗叅中書黃應恩以梅村所撰墓誌

為徵然梅村詩中于姜給事衛少司馬皆君之而已

此詩兩用先生字兼以劉戴為比其為石齋無疑先

生侍從垂金魚退直且上庖西書况今慷慨復遑惜

不爾何以乘朝車日且上日况今是前為侍從而後

為大僚者鳧岫由庶吉士歷檢討中允論德固終其

身為侍從者也何以云况今慷慨乎惟鳧岫之劾黃
應恩也淄川張至發寔暱應恩篇中未斥齊人慚汲

尉似于志發爲合然道周傳中本有張至發擯道周
語而梅村墓表謂立朝始進卽首劾淄川奏雖寢不
行其黨皆側目詘平津而慚汲尉蓋梅村自指而以
上書慷慨歸之石齋也梅村之詘至發固不待遺涂
仲吉入都申救道周之日而始見耳

過錦樹林玉京道人墓

并傳

玉京道人莫詳所自出或曰秦淮人姓下氏知
書工小楷能畫蘭能琴年十八僑虎邱之山塘
所居湘簾斐几嚴淨無纖塵雙眸泓然日與佳
墨良紙相映徹見客初亦不甚酬對少焉諧謔
間作一座傾靡與之久者時見有怨恨色問之

輒亂以它語其警慧雖文士莫及也

秦淮見問州行

書見畫蘭曲

蘇詩

淨凡明窗書小楷

字典

旅寓日倚居

天清一統志

虎邱山在蘇州

府元和縣山塘見彈琴歌

趙子昂詩湘簾疎

織浪紋縠晉書王羲之傳

嘗詣門生家見棐几

渭淨因書之真草相半

說文泓水清貌

映

徹見行路難

晉書

顧愷之傳好諧謔人多愛

狎之

宋書符瑞志

傾靡有光采

魏書乞伏

保傳初無恨色

南史王融傳

少而神明警慧

與鹿蕉生一見遂欲以身許酒酣拊几而顧曰

亦有意乎生固為若弗解者長歎凝睇後亦竟

弗復言尋遇亂別去歸秦淮者五六年矣

列子鄭人

有薪於野者遇駭鹿擊而斃之恐人見之也藏諸墜中覆之以蕉俄而失其處遂以為夢順途

而咏其事傍有聞者取之歸告室人曰薪者夢得鹿不知其處我今得之彼真夢者矣按鹿樵

生梅村以自諷也撫儿出南史韋叡及任助

傳撫與拊通如小雅拊我畜我左傳宣十二年

拊而勉之之類白久之有聞其復東下者王

詩含情凝聯謝君王

於海虞一故人生偶過焉尙書某公者張具請

爲生必致之衆客皆停杯不御已報曰至矣有

頃迴車入內宅屢呼之終不肯出生悵快自失

殆不能爲情歸賦四詩以告絕已而歎曰吾自

負之可奈何晉書地理志吳郡有海虞縣一統

志常熟縣晉海虞縣更記曹相

國世家取淮張坐飲韻會張設也鮑詩停觴

不御欲誰須梅村琴河感舊詩序至人命懷

車以迎來持羽觴而待至停驂初報傳語更衣
已託病痞遷延不出知其憔悴自傷亦將委身
于人矣漫賦四
章以誌其事
踰數月玉京忽至有婢曰柔柔

者隨之嘗著黃衣作道人裝呼柔柔取所攜琴

來為生鼓一再行泣然曰吾在秦淮山故

第有女絕世名在南內選擇中未入宮而亂作

軍府以一鞭驅之去吾儕淪落分也又復誰怨

乎坐客皆為出涕
我此段正與聽女道士彈琴
相合歌當作干其時也南

史梁宗室昂傳徵為
瑯琊彭城二郡太守時有

女子年二十許散髮
黃衣在武窟山石室中人

呼為聖姑梁書劉繼
傳續剃髮為道人鼓一

再行出史記司馬相
如傳泣然見雕橋莊歌

左傳成九年晉侯觀於軍府一鞭見老嫗行
左傳成二年况吾儕乎淪落見避亂其四

柔柔莊且慧道人畫蘭好作風枝婀娜一落筆

盡十餘紙柔柔承侍硯席間如弟子然終日未

嘗少休客或導之以言弗應與之酒弗肯飲黃魯

直詩風枝雨葉瘠土竹 婀娜見王郎曲 板

橋雜記侍兒柔柔承奉硯席如弟子指揮如意

亦靜好女子也 會真

記稍以辭導之不對 踰兩年渡浙江歸於東

中一諸侯不得意進柔柔奉之乞身下髮依良

醫保御氏於吳中保御者年七十餘侯之宗人

築別宮資給之良厚侯死柔柔生一子而嫁所

嫁家遇禍莫知所終

李義山柳枝詩序柳枝洛中里孃也手斷長帶結贈

乞詩後為東諸侯取去

張如哉曰東中謂會稽也出晉書王羲之傳戰國策張儀謂秦王曰

願乞不肖身之梁魏書釋老志

沙門師賢本屬賓國王種人帝親為下髮梅村保御鄭三山

墓表君諱欽俞三山其字

道人持課誦戒律甚嚴生於保御

中表也得以方外禮見道人用三年力刺舌血

為保御書法華經既成自為文序之緇素咸捧

手讚歎凡十餘年而卒墓在惠山祇陀菴錦樹

林之原後有過者為詩弔之曰

佛國記法顯慨律藏缺于是以

宏治二年至天竺尋求戒律

鄭三山墓表余與君為中表又王固公墓表于吳門遇三山鄭

君曰余媼也詢之則三山之兄曰某者爲伯祖
壻余姑尚在也莊子彼游方之外者也南

史徐孝克傳持菩薩戒晝夜講誦法華經宋史
藝文志法華經三卷緇素見讚佛詩魏書任

城王雲附傳捧手抗禮隋煬帝重與智者請義
書忍師讚歎惟唱希有天清一統志慧山

在常州府無錫縣西寰宇記九龍山一曰冠龍
山又曰惠山常州府志祇陀講寺在無錫縣東

三十里

龍山山下茱萸節泉響琤淙流不竭但洗鉛華不洗愁

形影空潭照離別離別沉吟幾迴顧遊絲夢斷花枝悟

翻笑行人怨落花從前總被春風誤金粟堆邊烏鵲橋

玉孃湖上蘼蕪路油壁曾聞此地遊誰知卽是西陵墓

從地與時說起是題首過字第十二句點出墓字○風

土記九月九日律中無射而數九俗尚此日折茱萸房

以插頭上言辟除惡氣而禦初寒隋書地理志九龍

山有惠山寺第二泉在焉庾詩懸崖泉溜響黃魯直詩

邇來頗瑋琬不竭見海戶曲蘇詩洗盡鉛華見雪肌

劉仲晦詩為君洗盡古今愁司空表聖詩品空潭瀉

春沉吟見送何省齋廻顧見松鼠沈休文詩游絲

映空轉夢斷詳詩餘念奴嬌韓詠落花詩無端又被

春風誤吹落西家不得歸杜詩君不見金粟堆前松

栢裏烏鵲橋見青門曲季義山詩玉孃湖上月應沉

古詩上山采蘼蕪下山逢故夫蘇小小歌妾乘

油壁車郎跨青驄馬何處結同心西陵松栢下烏栢

霜來映夕曛錦城如錦堊文君紅樓歷亂燕支雨繡嶺

迷離石鏡雲絳樹草埋銅雀硯綠翹泥浣鬱金裙浣烏

卧切

居然設色倪迂畫點出生香蘇小墳

此段讚墓即以讚

玉京也張如哉曰

此樓寫錦欄林從老杜詩野花留寶曆蔓草見羅裙化

出清詞麗句亦可為鄰○烏柏見送龔孝升謝靈運詩

夕曛嵐氣陰錦城見哭志衍李詩千花晝如錦更記

司馬相如傳車王孫有女文君百詩紅樓富家女歷

亂見殿上行匈奴歌失我焉支山令我婦女無顏色李

長吉詩桃花亂落如紅雨一統志繡嶺亭在無錫縣

蕭山西宋光祿滕中充建以花木繁盛故名迷離見鴛

湖曲華陽國志武都有一丈夫化為女子美而艷蜀王

納為妃無幾物故蜀王遣五丁之武都擔土作塚益地

數祕上有石鏡表其門今成都北角武擔是也路史鏡

周三丈五尺魏文帝與繁欽書今之妙舞莫巧於絳

桐記事珠絳樹一聲能歌兩曲二人相聽各聞一曲一

字不亂人疑其一聲在鼻交房四譜古瓦硯出相州魏

銅雀臺里人掘土在在得之貯水數日不滲天中記

女道士魚元機女童各綠翹明惠有色韓詩勿使泥塵

宛李義山詩折腰爭舞鬱金裙莊子居然不免于患

周禮設色之工五明史隱逸傳倪瓚字元鎮無錫人也

家雄於贊工詩善畫為人有潔癡侯朝宗十萬圖記雲

家雄於贊工詩善畫為人有潔癡侯朝宗十萬圖記雲

林倪璿自稱嬾迂 徐孝穆玉臺新詠序辟惡生香聊

防羽陵之蠹冥地記 嘉興縣有晉妓蘇小小墓能改齋

漫錄蘇小小錢塘名 媚也按此蓋南齊 相逢盡說東風

時人故梅村絕句有 記得錢塘兩蘇小

柳燕子樓高人在否 枉拋心力付蛾眉身去相隨復何

有獨有瀟湘九畹蘭 幽香妙結同心友十色箋翻貝葉

文五條絃拂銀鈎手 生死旃檀祇樹林青蓮舌在知難

朽 此段隳括王京生 平畫圖音樂禪說層次俱見○東

風柳見楚雨生行 一統志燕子樓在徐州府銅山

縣西北隅唐貞元中 尚書張建封鎮徐州築此樓以居

愛妾盼盼建封卒盼 盼樓居十五年不嫁秦少游詞人

在樓中否 元詩在 拋心力畫朝雲 百諷關盼盼詩

黃金不惜買蛾眉揀 得如花四五枝歌舞教成心力盡

一朝身去不相隨 翠 稼軒詞當年燕子人何有 瀟湘 見歸雲洞九畹蘭見 畫蘭曲 歐陽永叔醉翁亭記野

芳發而幽香易同心之言其臭如蘭
續傳物志元積

使蜀營妓薛濤造十色彩賤以寄延漏錄益州出十樣

鸞屐曰深紅曰淺紅曰杏紅曰明黃曰深青曰淺青曰

深綠曰淺綠曰銅綠曰淺雲又有彩霞金粉貝葉見贈

蒼雪禮昔者舜作
五絃之琴銀鈎見畫中九友歌

梅檀見讚佛詩金剛
經注須達多長者白佛言弟子欲

營精舍請佛任惟有祇陀太子園廣八十頃林木鬱茂

可居杜詩兄居祇樹園
青蓮見贈蒼雪使記張儀傳

吾舌尚在
雲山記得斑駁嫁阿環薄命只應

良常高館隔雲山
記得斑駁嫁阿環薄命只應

同入道傷心少婦出蕭闕紫臺一去魂何在青鳥孤飛

信不還莫唱當時渡江曲桃根桃葉向誰攀
此段因王京而并及

柔柔餘波潑複○
統志良常山在江寧府句容縣小

茅峯之北秦始皇嘗登句曲山北垂歎曰巡狩之樂莫

過于山海自今以往良為常矣洞天福地記第三十二

洞良常山周迴三十里各方會之天晉書華譚傳虛高

良常山周迴三十

良常山周迴三十

良常山周迴三十

良常山周迴三十

館以俟賢雲山見閩州行季義山詩腸斷斑駁送陸

郎漢武內傳上元夫人又遣一侍女答問云阿環再拜

上問起居薄命見銀泉山入道見彈琴歌少婦見

送龔孝升蕭闕見送杜嶽武又通恨賦紫臺稍遠狂

詩一去紫臺連朔漠漢武故事七月七日忽有青鳥

飛集殿前東方朔曰此王母欲來李義山詩青雀西飛

竟未回隋書五行志陳時江南盛歌王獻之桃葉之

詞曰桃葉復桃葉渡一不用織王子敬桃葉歌桃葉復

桃葉桃樹

連桃根

張如哉曰居易錄倪元鎮故居今為祇陀寺在無錫

縣東南二十里雲林堂清閼閣故址至今猶多梧桐

詩中居然設色倪迂畫點出生香

蘇小墳正用此作點綴非泛引也

悲滕城

天倩一統志滕縣在兗州府東南一里明史五行志崇禎三年山東大

水四年六月又大水程迓亭曰崇禎四年河決

金龍口滕縣沉焉王貽上水月令注云山蛭生

山鑿重不週 一斤崇禎辛未浮河而下或至六

七斤未幾决 荆隆口漂沒萬家詩用史記河魚

大上正謂山 蛆出也北史祖瑩傳尚書王肅曾

於省中詠悲 平城詩云悲平城驅馬入雲中彭

城王勰甚嗟 其美欲使肅更詠乃失語云公可

更爲誦悲彭 城詩肅因戲勰云何意呼悲平城

爲悲彭城也 瑩應聲云悲彭城

楚歌四面起 按詩題當本此

悲滕城滕人牧羊川之濱雨工矯步趨其羣河魚大上

從風雲去山一尺雷殷殷寺前鐵鐸多死聲日暮鷄犬

慘不鳴城上掌事報二更鬼馬踏霧東南行鼓音隆隆

非甲兵吁嗟龍伯何不仁大水湯湯滔吾民 此段悲滕城之天災

滔吾民引起下文○ 異聞集柳毅見有婦人牧羊於道
畔曰其羊也雨工也 何爲雨工曰雷霆之類也退之與

人書天池之瀆

列

仙傳託身風雨遙然矯步蘇子卿

詩胡馬失其羣

史

記秦始皇紀八年河魚大上父老

子傳至於龍吾不能

知其乘風雲而上天三秦記民

謠孤雲兩角去天一

握詩殷其雷五代史于闐傳冬夏

殷殷有聲如雷

齊邱詩風來蕭寺鏗左傳襄十八

年師曠曰南風不競

多死聲漢書燕刺王旦傳歸空

城兮狗不吠雞不鳴

按掌事如史記李斯傳之管事

莊孔賜詩疎雨寒城

打二更杜詩鬼妾與鬼馬范致

能詩馬蹄踏霧入空

濛古樂府有日出東南隅行

氏詩傳蘊蘊而暑隆

隆而雷梅聖俞詩漁陽三疊音隆

之所漢武帝瓠子歌

有大人舉足不盈數步而暨五山

湯湯說文滔

城中竿

為我謂河伯兮何不仁詩汶水

水漫漫大貌

城中竿

瑟不復陳編帶之價高錦純路骨

藉藉無王名塋者死

生俱未明悲滕城滕城訛言晝夜

驚百尺危巖浮車輪

海民投網獲釜鑄巫兒赤章賽水

神溝人匠氏修防門

此段悲滕城之人事○禮鐘磬等瑟以和之 韓詩隨車翻編帶戰

國策錦繡干純按此

句從左傳昭三年屢賤踊貴化出

杜詩路有凍死骨

漢書燕刺王旦傳骨藉藉兮亡居

宋史田瑜傳有殺人

投屍井中者吏以其無主名不以

聞按死生未明本

隋煬帝齊王暕事而加之葬者則

變化用之也通鑑齊

王暕素失愛于帝恒相猜忌父子

至死不相明詩民

之訛言 車輪見贈李雲田 潘

安仁西征賦灑鈞投

網 漢書地理志齊地長女不得

嫁名曰巫兒為家主

祠 梁書沈約傳乃呼道士奏赤墮

於天史記封禪書冬

養禱祀索隱曰養謂報神福 張文

昌詩誰家祭水神

考工記匠人為溝洫 左傳襄十六

年塹防門

而守之

打冰詞

蘇詩不用防 秋更打水

北河風高水生骨玉

壘銀橋堆幾尺新戍雲中千騎馬

橫津直渡無行迹下
流湍悍川途開吹笳官舫從南來

帆檣山齊排浪進牽
船百丈聲如雷雪深沒髀衣露肘

背挽頭低風塞口相
逢羨殺順流船急問來時河凍否

溜過湖寬放牖平
集作非長年穩望一帆輕夜深側聽流

澌響瑣碎玲瓏漸結
起四句點出水字湍悍下是打水之由○高達夫詩歸去北風

高四民月令犁星沒
水生骨左太冲蜀都賦包玉壘

而為字此借用元裕
之詩銀橋望極竟不歸爾雅戍

道也在戍守所以止
寇賊雲中見雁門尚書行古樂府

東方千餘騎王會之詩石篋橫津蛟莫窺行迹見松
鼠吏記河渠書水湍悍難以行平地虞伯施詩鳳吹
濫川途季君虞詩幾處吹笳明月夜官舫見促船行
古樂府使君從南來李公垂詩水郭帆檣近斗牛韓
君平說浮雲不共此山齊王仲初詩花裏牽船上

歌按演繁露杜詩多用百丈問之蜀人云水峻岸石又

多廉稜若用索牽遇石輒斷故劈竹為大瓣用麻繩連

貫以為牽具是名百丈五代史于闐傳冬夏殷殷有聲

如雷云禹貢流沙也沒課見馬草行露肘見遊亂

談藪王元景曰禾熟頭低麥熟頭昂漢書溝洫志猶止

兒啼而塞其口也爾雅順流而下曰沂游杜詩河

凍未漁不易得管子注溜發也字典水溜下也蘇詩

放唾起膠艇長年見送周子儼一帆見塗松晚發

側聽見讚佛詩楚辭流澌紛兮將來下

韓聯句詩竹影金瑣碎玲瓏見琵琶行篙滑施櫓

枝折舟人霜滿髭鬚白發鼓催船喚打冰衝寒丁指四

風裂吁嗟河伯向磴磴白倍如雨終無聲魚潛逃科

斗匿殊耐鞭杖非窮民官艙裏酒自高卧只話篙師文

手坐早辦人夫候治裝明日推車水上過篙滑四句點

出打冰河伯

四句寔寫打冰官船四句用督責語是進一步寫打冰

也○揚子方言所以進船謂之篙釋名船尾曰楫在旁

曰櫓櫓脊也用替力然後舟行也○宋元虛海賦舟人

漁子白詩帆白滿船霜劉夢得詩好染髭鬚事後生

村詩打鼓發船何郡鄭又山意衝寒欲放梅白詩十

指無定音吁嗟河伯見悲滕城類篇棒亦作楛通

鑑唐元宗二十三年上御五鳳樓酺宴觀者詣隘樂不

得奏金吾白挺如雨不能過劉克莊築城行白梔詞責

如風雨魚龍見送志衍入蜀科斗見二十五日詩

殊耐鞭杖見捉船行高州見退谷歌篙師見捉船

行後漢書馬援傳咋舌叉手戰國策於是

約車治裝左傳成二年故不能推車而反

背挽頭低白楛如雨是畫工風塞口終

無聲是化工梅村筆下殆無所不有

再觀打冰詞

杜觀

有觀打魚歌又打魚詩題仿之

官催打冰不肯行座船既泊商船停商船雖住起潛聽

冰底有聲花牙應桅竿旗動吹南風舟子喜甚呼蒙衝

兒童操挺爭跳躍其氣早奪馮夷宮若如蒼崖崩巨石

若音翁善當作錡如戈矛相撞擊銅呼橫切滃如雲氣騰虛空颯如

雨聲飛浙瀝此投是方打時之冰杜詩江平不肯流

將詐作商船以誘之晉書陶侃傳山夷多斷江劫掠侃令諸

曾直詩灣頭東風轉後漢書蔡邕傳試潛聽之黃

竿詩招招舟子後漢書禰衡傳黃祖在蒙衝船上大

會賓客注外狹而長曰蒙衝跳躍見哭志馮夷

宮見二十五日詩莊子若然嚮然蒼崖見臨江秦軍

高唐賦注巨石大石也班孟堅東都賦鐘鼓鏗錡廣

韻鐘鼓聲相雜也詩修我戈矛戰國策追則杖戟相撞

滃若雲見青門曲楚辭風颯颯兮木蕭蕭歐陽永

叔秋聲賦初浙瀝以蕭颯張如哉口少陵觀舞劔器行

燿如羿射九日落矯如羣帝驟龍翔來如雷霆收震怒

罷如江海凝清
光句法仿之
河伯娶婦三日眠霜紈方空張輕烟去

聲
忽聞裂帛素娥笑
玉盤銀甕傾流泉別有鮫鮪還未

醒沉魚浮藻何隱隱
上冰猶結下水行視水如燈取水

影冰輪既碾相催送
三千練甲皆隨從激岸迴湍水負

冰白龍十丈鱗鱗動
此段是既打後之水○史記滑稽傳西門豹為鄴令會長老問之長

老曰苦為河伯娶婦
岑參詩盡日窓中眠劉夢得詩流塵蔽霜紈後漢書章帝紀詔齊相省冰紈方空穀吹

綸絮注即今方目紗也
梁元帝詩乍若輕烟散

傳明皇遊月宮見素娥十餘人張如哉曰通鑑褒氏好

聞裂縉聲王發縉裂之以適其意此暗用之玉盤見
海戶曲張道濟詩山如銀作甕流泉見題高士圖
詩別有幽愁暗恨生拔鮫鮪俱海魚各尹廷高詩日上

海棠眼未醒

詩

魚在石灣司馬長卿上林賦沈沈隱

隱唐太宗詩

交河水已結朱德潤詩一奩冰影對

鈿花按詩人多

以月為水輪如子瞻之雲峯缺處湧

水輪務觀之水輪

了無輪是也此更變化用之正韻

碾本字所以輓物

器也左傳襄三年楚子使鄧廖帥

組甲三百被練三千

以侵吳按激岸張融賦作蕩洲

激岸駱賓王詩輕

凍醒回湍月台魚陟負冰朱子詩

白龍飛下蔚藍天

唐子西詩龍噴揮水十丈何仲言

詩鱗鱗

送去水自古水嬉

無此觀披裘起坐捲簾看估客兼程

貧夜發却愁明日

西風寒枕畔輕雷殊不已醉裏扁舟

行百里安得并州

第四弦彈徹水天霜月起此段是再觀二字以

咏嘆出之愁西風

與喜南風相應○水嬉見琵琶行

姚合詩防冷欲披

裘捲簾見青門曲梁元帝詩漫道

江中無估客錢仲

文詩有意兼程去南史垣崇祖傳受

旨夜發蘇子美

詩枕畔冷香通醉夢歐陽永叔詞柳

外輕雷池上雨杜詩焉得并州快剪刀蔡琰別傳邕

夜鼓琴絃絕琰聞日第二絃邕故斷一絃聞之曰第四

絃江詩聲教燭冰天獨

孤至之詩霜月照膽淨

伯喈之第四絃琴絃也琵琶亦四絃如琵琶

行四條絃上烟塵生是也然用并州字俟考

雪中遇獵

北風雪花大如掌 河橋路斷流漸響 愁鴟餓雀語啾啾

健鶻奇鷹姿颯爽 起四句是雪中而健鶻奇鷹已逗出獵字意○李詩燕山雪花大如席又

雪花大如手 晉書杜預傳造舟為梁則河橋之謂也

流漸見打水詞 劉孝威詩愁鴟集古樹張伯雨詩饑

雀掃窓紙啁啾見 松鼠杜詩斯須領健鶻蔡將軍射

珥野鷹來曲南山 有奇鷹颯爽見二十五日詩將軍射

獵城南隅軟裘快 馬紅氍毹秋翎垂頭西鼠煖鴉青徑

可裝明珠金鷲箭 褶袍花溼桐酒駝羹馬前立錦靴玉

貌撥秦箏瑟瑟髻 多好顏色

此八句遇獵前四句就將軍正寫後四句就侍者旁

寫○高逵夫詩在

來射獵西山頭又那鞞城南遊俠子

杜詩軟裘快馬

當冰雪紅氍毹見臨頓兒會典

國朝定貝子戴三

眼孔雀翎根綴藍翎鎮國公輔國公

戴二眼孔雀翎根

綴藍翎護軍統領護軍叅領戴一眼

孔雀翎根綴藍翎

護軍校戴染藍鵬翎順治十八年議

準貝子公戴翎俱

照舊例內大臣一等二等三等侍衛

前鋒統領護軍統

領前鋒叅領護軍叅領諸王府長史

一等護衛戴一眼

孔雀翎根綴藍翎貝勒府司儀長王

府只勒府二等三

等護衛貝子公府護衛及護軍校俱

戴染藍翎內外額

駟如非係內大臣俱不許戴諸王府

散騎郎有阿達哈

哈番以上世職許戴一眼孔雀翎根

綴藍翎錫炳詩番

國胡僧青鼠帽黃魯直詩漫染鴉

青襲舊書史記田

齊世家尚有徑寸之珠照車後十二

乘者十枚

韋端

已詩紫袍日照金鷲鬪字典急就篇

注褶其形若袍短身而廣袖一日左衽之袍也 桐酒

見海戶曲按杜詩紫駝之峯出翠釜則駝可為羹 李

詩青黛畫眉紅錦鞞史記魯仲連傳今吾觀先生之玉

貌非有求於平原君者也曹詩秦箏發西氣瑟瑟見

讚佛詩杜詩少年家住賀蘭山磧裏擒生夜往還鐵嶺

深知好顏色

草枯燒堠火黑河水滿渡征鞍十載功成過高柳聞却

平生射鵰手漫唱千人勅勒歌只傾萬斛屠蘇酒此八句是

將軍意中語前四句追憶塞外後四句追訴入塞也○

大清一統志賀蘭山在寧夏府寧朔縣西又陰山

橫障北漠起寧夏賀蘭山蜿蜒而北至牧廠及察哈爾

地為蘇門哈達山阿哈拉圖山古楚古特山 李君虞

詩磧裏征人三十萬張繪之詩功名且計擒生數劉文

房詩田家數往還一統志銀州故城今鐵嶺縣治在

奉天府北一百三十里王詩草枯鷹眼疾孫奕示兒編

斥候之候俗作堠杜詩候火雲峯峻黑河見海戶曲

杜必簡詩艱險促征戰一統志高柳故城在大同府

陽高縣西北又高柳谷在克西克騰旗南四十里蒙古

名伊克布爾哈蘇台蘇叔黨詞開却傳杯手北史斛

律金傳那子高嘆曰此射雕手也司馬長卿上林賦

千人唱萬人和北史齊神武紀使斛律金勅勒歌神武

白和之季詩美酒樽中置干斛荆楚歲時紀正月一

日是三元之日也長幼今朝彷彿李陵臺將軍喜甚圍

以次拜賀進屠蘇酒

場開黃羊突過笑追射鼻端出火聲如雷此四句獵字

地理志雲中都護府燕然山有李陵臺天清一統

志威鹵廢驛今牧廠地土人呼為博羅城在獨石口東

北一百四十里亦名李陵臺宋史禮志太祖校獵于

近郊先出禁軍為圍場黃羊見贈馮諷生微之馬射

賦勇瞻笑過咸懼發遲史記李將軍傳今以百騎走匈

如追射我立盡南史曹景宗傳覺耳後生風鼻端出

火詩如回去朱旗滿城闕不信溝中凍死骨猶有長征

遠戍人哀哀萬里交河卒

此四句獵字餘波○漢書敘傳朱旗乃舉詩在城闕兮

凍死骨見悲滕城

王少伯詩萬里長征人未遠後漢書龐參傳疲之以遠戍

詩哀哀父母交河卒見行路

難

笑我書生袒褐温蹇驢箬笠過前村即今莫用梁園

賦扶杖歸來自閉門

以遇字作結蹇驢暗用浩然踏雪事閉門暗用袁安卧雪事○書生

見壽夔芝麓漢書貢禹傳袒褐不完

蹇驢見宮扇張

志和漁父詞青箬笠僧齊已詩前村深雪裏

史記司

馬相如傳會景帝不好詞賦因免遊梁

梁園見送沈繹堂

扶杖見送何省齋

通首正寫遇獵而雪中字於旁襯得之益軟表西鼠

袍溼草枯冰滿屠蘇凍骨袒褐箬笠歸來閉門皆帶

一雪境在內而梁園之賦亦因雪賦中引梁王

兔園也組織工妙都入渾成是格力高人處